


中  
州  
集

四







# 中州已集第六

馮內翰璧一十五首

王內翰若虛三十八首

麻徵君九疇二十九首

劉御史從益三十三首

宋內翰九嘉一十一首

雷御史淵二十九首

李右司獻能二十首

王右司渥一十一首

冀都事禹錫二首

馮內翰璧

璧字叔獻別字天粹承安二年進士歷州縣召入翰林再為曹郎宣宗朝屢以使指朔大獄權貴如歸德知府宿州總帥聲勢烜烜朝廷知其跋扈而不能摧伏者叔獻以法臨之毛髮不貸也勿有重名就所長論之館閣堂諫與賓客言乃其選也徒以小心奉法不畏強禦故屢以城旦書屈之識者有用違其長之嘆興定末以同知集慶軍節度使事致仕居崧山龍潭者十餘年諸生從之游與四方間遺者不絕賦詩飲酒放浪山水間人望以為神仙焉山中多蘭每中春作華山僧野客人持數本詣公以香韻高絕為勝少劣則有罰謂之蘭蘭所釀松醪東坡所謂數幽姿之獨高者惟叔獻能盡之客有以京國名酒來與之校者味殊不能近正如深山草

中州六

一

衣不食人語費備兒販夫塵土氣為不可嚮也是後松醪蘭醪遂為山中故事叔獻少日在大學賦聲籍甚其學長於春秋詩筆清峻似其為人字畫挺挺有魏晉間風氣雅為閑閑公所激賞制誥典麗當代少見其比尺續又其專門之學風流蘊藉不減前世宋景文左丞董公紹祖奉使江左其詩錢行喜見頽間詩四韻每誦一句輒為一舉觴李右司之絕談笑此世為不足玩見叔獻則必為之慢然王延州從之公於鑒裁為海內稱首敬其名德至不敢以同年生數之北渡還鄉里年七十九終於家其才於君不與存焉本乎行氣量而絕出於手行氣量之謂上品也其所造不風岸而峻不表揚而著不名位而重不養艾而厚千百年之乃美器唯見之俗不可其非無雅俗不可以為之勝故自視於陳太丘黃業無名也千載而下有為之歎者非品何得之元光正大以來天下有馮孝子之目今居鎮陽

同裕之再過會善有懷希頴

寺元魏離宮十日來九兩前與驕婦借齋莫少林往其時已薄暮諸勝不



暇訪今同魏諸孫再到風煙上寺僧導外殿雄深肅瞻仰柱礎門限石追  
琢成大壯不見磨琢痕瑩滑明凜朗摩挲三嘆息後世無此匠晚登西階  
亭碧玉對千丈如王官天柱如太華仙掌留宿贊公房秀色善餘想夜靜  
耿不眠泉溜琴筑響惜驂今不來聯詩共清賞

和希頌

虎守天門未易通庾塵無扇障西風主人何負盜憎主公論不明私害公  
老伏固非千里驥冥飛似是五噫鴻紛紛往事渠知幾都付崧巔一笑中  
送國監儀師頌企賢得請歸闕中次朝賢韻

河山形勝圖

書劍丁年記昔游中條之麓過蒲州地形西控三秦遠河勢南吞二華秋  
晉魏兵爭一春夢漢唐壇祀幾荒丘披圖吊古今人慨不必重登鶴雀樓  
雄帥覓蘭作詩以寄

中州六

二

鹽瓦頰肩坐香累高梁華棟豈渠心使君有問花應語玉樹誠佳非故林  
明皇擊梧桐圖

三即耳譜越花奴風調才情信有餘天寶錯來非一拍霓裳中節亦區區  
送人出使

陽春有脚蕪疲瘵水鏡無心照紫汙九道澄清天意切人才一一似君無  
習池醉歸圖

襄漢方屯十萬兵習池日往不曾醒紛紛候晉皆渠輩何獨王家一寧馨  
東坡海南草茶圖

講筵分賜密雲龍春夢分明覺亦空地惡九鎖黎洞火天游兩液玉川風  
陰晦中忽見華山

吏部能開衡嶽雲坡仙曾借海宮春蓮峰清曉忽自獻二公何人予何人  
草堂春暮橫披

遷客倚樓家萬里五陵雅鞮酒千金草堂澹與春山對幽鳥一聲春已深  
元光閒子在上龍潭每春秋二仲月往往與元雷游歷崧少諾  
藍禪師汁公方事參訪每相遇揮毫賦詩以道閑適之樂今



猶夢寐見之兒子渭近以公故抵任成禪師附寄詩以敘情昔  
未幾駐錫東庵因造謁開出示裕之數詩醉筆縱橫亦略道崧  
遊舊事感嘆之餘漫賦長句二首

性理諸方已徧參歸來一錫駐東庵山中蓮社舊招隱旅舍阿戎新對談  
詩筆如君僧有幾文章媿我老無堪綾書大字拈香疏須越微之酒半酣  
少林脩竹欲天參竹外幽閑草結庵顧我雖存唯白髮與君曾此共玄談  
干戈橫絕境猶夢草樹荒殘人豈堪腸翁松醪尋莫類商歌悲壯不能酣  
兩後看竝玉所控諸峯

竝玉如高人壁立九千仞一日不見之令人生鄙吝春深木葉敷秀色益  
濡潤結茅寄僧廬晴碧時得越老宿詫孫峯隅侍到幽嵐連延青一色枚  
枚須諦認溟濛空翠閒我亦疑未信朝來雲氣昏埋沒瑜珉瑾如蒼梧政  
愁湘妃夢思舜重陰俄解駁靈淵夕暉襯娟娟忽層出歷歷分遠近雲峰  
互吞吐千狀纔一瞬出奇如孫吳相降如蕭蘭如紫星拱辰如侯伯入朝  
接武如朋簪承迎如价價負固如吳楚爭長如齊晉怪詭如夷蠻駢羅貢  
琛賦寶慶如擒獲係纜將就覺如應龍神靈墊卧時奮迅如天駟超軼垠

中州六

六三

牧稅羈勒如雄對政谷失筋駭疾震如猛士無詳攢槩後嚴陣獨兩峰巍  
然魁傑灑灑崇峻光輔岳柱天鬱為中興鎮降生申與甫周室債復振詩傳  
配崧高百世磨不磷

同希顏怪松

崧高地氣靈花木競妍秀玉峰西南趾有松獨怪陋偃蹇如蟠螭奮迅如  
攫獸葉勁須臾張皮古鱗甲皺菌蠢藤爛怒支離節節瘦月上虬影搖風  
度雨聲驟子落慰枯禪枝樛磔飛馳盤根萬乘器平蓋千歲壽樵斤幸免  
尋屢匠矧肯構龍化會有時天旱期汝救

王內翰若虛

若虛字從之棗城人承安二年經義進士少日師其舅周德卿及劉正甫  
得其論議為多博學強記誦古詩至萬餘首他文稱是善持論李屏山極  
酒間談辯鋒起時人莫能抗從之能以三數語空乏使繁不得語其為名  
流所推服類此釋褐獻州錄事歷門山令入翰林自應奉轉直學士居冷  
局十五年崔立之變群小獻諂為立起功德碑以都堂命召從之從之外  
若遊辭而實欲以死守之時議偶焉北渡後居鄉里癸卯三月東游與劉



文季輩登太山憇於黃岷峰之萃美亭談笑而化時年七十從之天資爲樂  
易負海內重名而不立崖岸雖小書生登其門亦折行輩交之滑稽多智  
而以雅重自持謀事詳審出人意料謂從之於中外繁劇無不堪任直  
以投閑置散故百不一試耳自從之沒經學史學文章人物公論遂絕不  
知承平百年之後當復有斯人不也子恕字實夫

據憤

非存驕譽心非微正且譽浩然方寸間自有太高處平生少諧合舉足逢  
怨怒禮義初不從謗訕亦奚顧孔子自知名相難非所懼孟軻本不逢豈  
爲臧氏沮天命有窮達人情私好惡以此常泰然不作身外慮

贈王士衡

王生非狂者乃以善哭稱每至欲悲時不閉醉與醒音詞初悽愴涕泗隨  
縱橫問之無所言坐客笑且驚王生不暇卹若出諸其誠嗟我與生友此  
意猶未明絲染動墨悲麟亡傷孔情韓哀峻嶺陟阮感窮途行涕流賈太  
傅音抗唐獨生古來哭者多其哭非無名生其偶然歟何苦摧神形如其  
果有爲爲爾同發聲

合州六

八四

貧士嘆

甌無塵瓶無粟北風蕭蕭吹破屋入門四顧何悲涼稚子低眉老妻哭世  
無魯子敬郭元振之真丈夫故應餓死填坑谷蒼天生我亦何意蓋世虛  
名食不足爭如只使冗且愚大腹便便飽梁肉

感秋

西風撼庭柯疎葉鳴策策天地一蕭條羈懷亦岑寂青春恍如昨轉躬年  
半百自從長大來轉覺日月迫功名非所慕老大不足恤怛然感時心自  
亦不能釋清晨梳短髮已見數莖白刀鐮雖可施殆似兒子刺此身委蛻  
耳毀棄無足惜况於毛髮間而乃強修飾青青如陸展星星行復出畢竟  
白滿頭復將何所摘

生日自祝

空囊無一錢羸軀兼百疾况味何蕭條生意渾欲失清晨開喧呼親舊作  
生日我初未免俗隨分略修飾舉觴聊自祝醉語盡情實神仙恐無從富  
貴安可必脩短卒同歸何足喜與戚一祈期康強二願早閑適衣食無大  
望但要了晨夕萬事不我擾一心常自得優游終吾身志願從此畢



失子

妍妍掌中兒捨我一何遽其來誰使之而復奄然去平生三舉子隨滅如  
朝露顧我能無悲其如有天數自從學道來衆苦頗易度有後固所期誠  
無亦何懼人生得清安政以累輕故婚娶眼前勞託遺身後慮百年曾  
幾何爲此難雅悞顧語長獮更此理亦應諭

憶之純三首

幼歲永真契中年得偉人傾懷當一面投分許終身燈火談玄夜鸞花逐  
勝春何時重一笑曾次欲生塵

面目三年隔音書萬里遙定途俱蹭蹬日事各蕭條志大謀常拙身孤道

易消李無當世用隱處會相招

雋氣輕天下高情到古人銜杯曼卿放下筆老坡神時論誰優劣人材自  
屈伸窮愁須理遣不必淚沾巾

復寄二首

志大言高與世違拂衣真作竹林歸黃塵道口風波惡未必先生自處非  
自笑趨塵亦強顏食謀未免敢言閑紫芝果可充飢腹從子玉屏巖石脚

中州六

五

病中二首

學道今何得謀生久不成藍衫幾棄物絳帳亦虛名事拙應天意交疎即  
世情煩憂時自解感觸又還生

憂鬱窮愁意營營久病身詩情渾欲減藥物但相親未得驅窮鬼終須問  
大鈞三時勞慰拊甚愧故人真

感懷

在却全家仰此身書生那是治生人百憂耿耿填骨髓強作歡顏慰老親  
自笑

別家

酒得數杯還已足詩過兩韻不能神何須豪逸攀時傑我自出關隨分人  
別家

到了身安是本圖何須身外覓浮屠誰能置我無飢地却把微官乞與渠  
慵夫自號

西城賞蓮呈晦之

舊賞回頭已隔年高花又見出新妍偶成濁酒狂歌會恰及斜風細雨天



樂事適來偏有興，陶身常得分無緣。作詩莫怪多誇語，差比放公先着鞭。  
題淵明歸去來圖 五首 此下皆中年所作

靖節迷途尚爾賒，苦將覺悟向人誇。此心若識真歸處，豈必田園始是家。  
孤雲出岫暮鴻飛，去住悠然兩不疑。我自欲歸歸便了，何須更說世相遺。  
拋却微官百自由，應無一事掛心頭。銷憂更藉琴書力，借問先生有底憂。  
得時草木竟欣榮，頗爲行休惜此生。乘化樂天知浪語，看君於世未忘情。  
名利醉心濃似酒，貪夫衮衮死紅塵。折腰不樂籬然去，比老猶爲千載人。  
翰長閑閑公命題城南訪道圖戲作一詩且爲解之云

得道由來不必勞，癡兒舍父謾逋逃。閑閑老子還多事，時向招提打一遭。  
竹木蕭蕭綠蔭深，幽襟自愛北軒開。主人無說吾何問，乘興而來興盡迴。  
答鄭下辨禪師見戲代防禦高侯  
酒肆淫房總道場，偶然遊戲亦何妨。阿師自墮泥牛趣，更笑春風柳絮狂。  
還家 五首

日日他鄉恨不歸，歸來老淚更沾衣。傷心何啻遼東鶴，不但人非物亦非。  
荒陂依約認田園，松菊存亡不足論。我自無心更懷土，不妨猶有未招魂。  
口占 六

山杏溪桃化棘榛，舞臺歌榭隨灰塵。春來底事堪行處，門外流鶯罵狂喚人。  
回思夢裏繁華事，去及當年樂此身。閑立斜陽看兒戲，憐渠虛作太平人。  
艱危嘗盡鬢成絲，轉覺繁華不可期。幾度哀歌仰天問，何如還我未生時。  
山谷於詩每與東坡相抗門人親黨遂有言文首東坡論詩右  
山谷之語今之學者亦多以爲然漫賦四詩爲商略之云

絕足由來不可追，汗流餘子費奔馳。誰言直待南遷後，始是江西不幸時。  
信手拈來世已驚，三江水衮筆頭傾。莫將險語誇勳敵，公自無心與物爭。  
戲論誰知出至公，蝸蟬信美恐生風。奪胎換骨何多樣，都在先生一笑中。  
文章自得方爲貴，衣鉢相傳豈足真。已覺祖師佞一着，紛紛嗣法更何人。  
王內翰子端詩近來陝覺無佳思，縱有詩成似樂天。其小樂天  
甚矣漫賦三詩爲白傳解嘲

功夫費盡盡窮年，病入膏肓肯自寬。寄語雪溪王處士，恐君猶是管窺天。  
東途西抹鬪新妍，時世梳粧亦可憐。人物世衰如鼠尾，後生未可議前賢。  
妙理宜人入肺肝，麻姑搔背豈勝便。世間筆墨成何事，此老留眉中自一天。  
麻徵君九疇







華如金石佳且好此銘此篆兩奇峭今誰子後曩誰先贏得細樞經蟻  
千古繁華一夢醒恍然入手稱神妙丹砂紫翠羽青萬金難買人年少君  
侯新自洛陽來玉臺人物今温燭相看大笑古人廢收鏡入奩還自笑

跋范寬秦川圖

山水人傳范家筆畫史推尊為第一揭來因看秦川圖天下丹青能事畢  
大山巖巖如國君小山鬱鬱如陪臣大石盤盤社與稷小石落落土與民  
一山一形似爭長一石一態如布軍想君胸中有全秦見錄削鉞錄乃真  
掌上長安近於日千樹萬樹生青春憶昔岐山鳳皇語葱葱杵橫雲新雨  
昆夷東手密須降不見功勳見歌舞黃金鑄牛西入樊五丁雲棧通中國  
驢山官閣九天高六虜屠王走衡璧不信詩書信法家關東半被魚書取  
盡秦國籍亦大好五十年兜都一掃章却董翳舉如毛沐猴冠豕金陵道  
北原兵自天而下漢室傾頽如解瓦祁山六出縱無功渭水猶堪飲君馬  
蟠蟠老將骨未朽草付那能濟陽九技廢投鞭抵歲星歸來鹿死何人手  
神武空矜賀六渾投機常落周人後竟令馮翊軟沙邊東風一夜吹新柳  
侵尋卓角相料理拋擲龍津浮汴水鶴頭過處已非隋不覺晉陽人姓李

口州六

華清高宴夏官梧舞馬如何護兩都縱得青驄還蜀道肉得沙場白骨無  
與亡自取不足吁可憐神州為盜區貪徵徃古山川事志却題詩賞畫圖  
松笈同希頤欽叔裕之賦

嶽尊青箬災木命羈絆剪剔傷馬性折松為笈得之天此君幸免殘殘撲  
初緣形似有代無不料奇功乃差勝之閒片斧不須勞坐中活火鳴笙蕭  
千秋蟹骨養霜雪一日齋醮翻雲濤巖烟擊排殺雷起顛風蹴踏銀山高  
莫嫌勺水懦無力如捲三江都一吸借汝歲寒姿扶我衰朽質掃除幻夢  
不到眼洗刷埃霾下骨臆捫霞直與羨門期一笑桑田海波白

竹樓冠為李道人賦

東方有物字豐隆以鳴為職驅群孽萬頭濺濺囚東窟欲出不出愁天公  
迴寒作煖出一噫黑帝不敢藏昆蟲所以獨為六子長揮斤元氣周神功  
車轟鼓震頃萬里六甲雲風隨喚起四陰用事合收聲猶奮狂陽鳴不已  
號令非時遭物玩草木不凋花再蕾惱得司秋訢帝閣漏泄機緘法當死  
天公大怪下極搭推落車中墮巖谷非程非馬亦非人化作蒼莖一枝竹  
勁氣剛風難遲銷夜闌風雨猶蕭蕭聳身直上三千尺天公又怪千雲霄



鬼壓神縛不聽出只見白雲如鏡三日雲散唯餘青屈盤願隱於嶺巖仙質  
道人真是萬物盜所取為冠就天巧秋霜爭敢上頭顱常與春風同醉倒  
此冠固奇惜未大有冠獨在方之外日月為腰織四時烟霞為褲綿千載  
天濤絕漢梁塵碧北斗旋衡簪沆瀣不隨脂粉侶後視不逐風霜陪御豸  
一任旋乾復轉坤頭上我我終古在欲作檀那施此冠不識先生苦為戴

彈琴懷山中人

門前雪垂垂室中理朱絲手按十三徽心飛天一涯故人渺何許萬里驚  
鴻飛試憑朱絲語一聲聲亦悲一彈雪欲落再彈雪正作只在此山中故  
人今憂樂我欲彈文王岐山雲渺茫我欲鼓曾子無由可耘紆道遠望不  
及千山復萬水思君復回心君正恐須疑蟠后變若不來奈此官商何春風  
早晚起百鳥喧庭柯時推乃一尊酒為君奏雲和

夏日

亭柯碧合龍蛇影睡起轉驪鳴曉井一簾曉雨捲不晴槐花滿地黃金冷  
屈指西風又到門相思鳳扇欲生塵何時萬戶垂楊裏高揖金鞭逢故人  
牛嘆

中山六

九

誰憐宿料一生無身後仍遺金十奴惟蓋却教蒙狗馬不知何事負農夫

清明

村村榆火碧烟新拜掃歸來第四辰城裏看家多白髮遊春總是少年人

暮春山家二首

山煙向晚白濛濛人過梨花樹底風一犬不鳴村徑黑野燈孤起遠林中  
語聞壯氣欲消磨奈此青燈永夜何壁上取琴彈一曲不知天外落銀河

手植檀印章

梁折山摧入小成日華留得寸暉明不盈一握空囊策未喪斯文粗姓名  
草木西周朝有暮圖書東觀死猶生二千年後司封細未信我時出此情

贈裕之

向來三度見君詩常望西山有所思誰料并州天絕處相逢梁苑雪消時  
賢人樂古盤猶在聲更文高世豈知只恐神嵩不留客秦川如畫渭如絲

秋懷

昨夜新涼御褐裘一番節物弄清愁月懸樓杵若為夜人在一隅偏覺  
敗葉只能驚畫扇啼螿終不到朱樓遠鄉夢斷寢衣曉依舊雲山是蔡州



和伯玉食蒿醬韻

九尺東方生不如一侏儒飲啄各有程厚薄與生俱文蒲及屈芟何乃淡  
以枯正如謝三旌甘心作羊屠伊蒿本新材豈足充庖廚薄雪草堂徑新  
霜古城隅河南地差煖冬有不死蕪青來潤邊管綠入几上孟微香能侶  
菊小苦賢於茶酷烈變醢醢黃釀破脂酥書生喜倒說食亦變精鹿借問  
冰茶者何如羔酒乎况爾蓼彼蕭蓬茆固其徒偶然躐一等遽欲忘樵夫  
邇來歲頗饑大半殲在途穰肉或至犬首丘不如狐命賤祇求死計窮交  
議通尚有紉袴兒朝夕食于株寧知埽野柙一飽不易圖遂令人輕生不  
畏鎖與鉄如君有蒿醬猶是千金軀

復次韻二首

五臟太多可張頤託矐儒自非何曾家安得海陸俱莊周幸有粟不至魚  
肆枯何勞夷門市下車朱亥屠春非與秋松歲晚不供厨蒿腹不蒿目大  
方果無隅為醬非負口猶勝范菜蕪豈無青精飯駐顏炊一盂豈無葛蒲  
歎辟邪如神茶又豈無椒花除瘴等酥酥蒿於數品中頗同武官鹿數品  
雖異饌置之醬可乎猶材各有施豈必皆吾徒公綽優為老劣於滕大夫

合州六

上

大抵食如士取之非一塗君詩誌其味食經有菡菰彼哉龜羹指斲棺終  
莫通彼哉萍壘手竟死珊瑚株寧如醬以蒿不出本草圖益後人好寄  
洗程砧鉄為謝饒崇鬼渠今離我軀

又 齏甜飯再初齏新齏呈伯玉以欲

敢可為炙啖博哉釋草儒奈何騷人詠不與蘭芷俱青青發陳荻嫩勝穉  
生枯面柔似張禹氣冽如申屠忽逢易牙口一日登君厨君兄昔在日作  
事太廉隅游宦三十年不治一室蕪嘗載米之郡政如置水盂不義獲八  
珍棄之如莖茶相對話終日茗椀無鹽酥見客惟恐遲遇飯不擇鹿無食  
但有名窮不亦宜乎我本寒素士卧雪表司徒臭味偶相似豈是敦薄夫  
見君食蒿醬取嘲於仕塗和君蒿醬詩緼袍隨衣狐詩醬兩情苦此債無  
由通蒿荻無棄材奈此蒼松株何當列銅甕一依饗禮圖唯聞廣廷樂不  
見轅門鉄此日雖無醬猶堪養羸軀

元裕之以山游見招兼以詩四首為寄因以山中之意仍其韻

石華政可採負我孤舟蓬胡為紅塵裏擾擾視安宮山間綠蘿月一照千  
巖空洪崖去不返清游誰與同空餘松根泉雜佩流無窮人心墮泥滓不



如與天通舉頭視霄漢浩露洗心骨

日月兩角蟬天地一粒粟老盆可徑醉豈擇五仙

梁肉清曉登少室日夕眺王屋紫煙晞我髮碧霞貯牙腴

事付濯足物物愜幽情不獨蘭與菊

菊風入桂樹高葉碧崢嶸舉手戲攀折上與雲煙博黃金問白玉遍地先

晶焚炷簫簫坐間發鸞鶴空中鳴浩歌山兮應起舞衣裳輕一尊石上酒如

我浩氣盈目送飛鴻盡青雲萬里平

國風久已熄如火不再然流為玉臺詠鈿粉嬌華年政須洗汝垢八駿踏

芝田青苔明月露碧樹涼風天塵土一盡象緯昭昭懸寂寥抱玉事

竟搖尾憐幸有元公子不為常語幸

許方邨即事

披執達許方山巔奇漫漫野黃麥初割畦綠蔬綠灌村籬綠葉深巷白春

花亂煙長見新冶風遠聞清澗濯衣女在溪阪鐵人抽館墻危壘破石路

黑沾遺炭山雲頃刻雨沙地須臾曠鐸鳴鴛鴦糞糞密防雞散綠餘殘曲

挂鈞罷公系貫沽酒有客賒鷺黍何人喚補慘官始感憐煩民更玩歷險

山口六

小車多逢人黥衣半髻遠肉難求山近寇可遁何當卜隱居尋我杖藜伴

梁山宮圖

梁山宮高高切雲秦家簫鼓空中聞宮殿作雲王作龍何人敢謁瀟湘君

珠圍翠繞窮天下道上行人衣半赭不覺生靈血枯化馬宮上為無元

朝虜生暮侯生師事二人學羨門焉知以政藏其身神仙亦死何曾補空

能許取六孱國不識盧生真問客種成隙盧生去尚令道士作鬼語州

有竟隨此檢中以壁見欺猶未悟魚腹引打鼎來梁山火滅漢旗

如後世丹青手一夫不役千樓臺梁山之宮却傳世梁山之宮安在

跋伯玉命簡之臨米元章楚山圖

巴東峽壁如駭霞天豔荆門當虎牙下有奔湍沉碧沙直衝北顧如

雲煙昏曉分明滅朝看落日暮吞月遠山如指近如拳過客那知空一

高人廬此恨來晚不厭孤蓬置往返莫言造物好窮人許大乾坤富君

以心為鏡照諸山山如人面紛殊顏扁舟日日青山上青山却往

人道癡兒固貪取我怪高人亦如許已將曾次社長江更

蕭列楓林葉浮舸巧促魁梧入公廢丈尋收拾



自此頭吳尾既越蠻烟五月既人疑江山多  
楚山可覽不可上水氣昏昏且多美畫山縱不到真山有楚之峯然楚瘴  
靜明居士見山鏡相在庵中得飽參戲呼老李臨君蓋已坐君貪我更貪

秋雨小霖湖陽道中

一雨初晴菊蕊花朝來啼殺報晴鴉地鄰異域空懷古人對殘秋更憶家  
十月紅爐是明日往年新火醉流霞念念又上湖陽道何處還堪駐客棧

秋望

雲氣東南壯風煙正北長遠人投屋小寒草帶城荒馴鴨便秋涼  
夕陽閑情儘堪畫未要雨浪浪

堂窳城南感寓

斷岸崩崖帶草長茂林高壑晚生涼田頭經水成駒卧雲色因風變狗蒼  
戰地尚餘唐壘柵故城曾入楚封疆牛童趨日食捫虱那解興亡事可傷

俳優

施能賣買移君貳旃解護秦枚陸鳥多少諫臣詭獲罪却教老輩管興亡

李道人家山圖

中州六

十二

見說高齋住太行溪山襟帶古祠堂圭洞葉落周家雨鐵樹根盤晉國霜  
烽火不堪耕作月畫圖猶可掛殘陽自矜不及汾川雁春去秋來過石梁

李道人嵩陽歸隱圖

城郭維崇井里維通冠蓋維錯紉維縶云誰之子招子歸嵩舍我筆筑  
樂彼潺湲食彼瓦缶還我鼎鍾云誰之子縶子歸嵩離人友鹿避俗朋松  
蕭兒吟能吾恐狂人誑子歸嵩子謂我言汝音歸嵩歸嵩何如如鴻避弋  
如鶴脫籠與幻俱化與化俱融是以歸嵩南山重重翠如植葱北山隆隆  
紺如堆銅仰嵩倏嵩雨濯雲烘嵩之爲我我之爲嵩我聞子言衣如張風  
心先去鳥層雲湯骨靜言思之富爲目嵩貴爲心蓬飾說于令詎知任公  
歸嵩良是生龜於筒子不歸嵩送子歸嵩

陽夏何正卿作疊語四句未成章予復以疊語寄之凡四變文

緼緼蠢蠢何等民矯矯元元內守真昂昂藏藏獨異落落莫莫不厭貧

匪匪匪匪故爲戒避言避世必也任至大至剛

秣吾馬髮清髮淨修我牖



用之捨之時所係晉如摧如寧復計煖然凄然任春秋優哉游哉聊卒歲

紅梅

一種冰魂物已元朱屑點注更風流歲寒未許東風管滄抹穠粧得自由

御史從筮

從益字雲卿南山翁捕之曾孫大安元年進士拜監察御史坐與當路者  
辨曲直得罪去久之起為萊縣令修學講義從善抑惡有古良吏之風萊  
劇邑也兵興以來戶減三之一田不毛者萬七千畝其歲入七萬石故在  
也雲卿請於大農為減一萬民賴之流土歸者二千餘家未幾被召百姓  
請雲卿留不聽入授應奉翰林文字踰月以疾卒時年四十四萊人聞之  
以端午罷酒為位而哭且立石頌德以致哀思之心焉雲卿博學強記於  
經學有所得為文章長於詩五言古詩又其所長嘗御史說雲卿在太學  
時年甚少嘗有詩云黃金錯落雲間樹紅粉高松物外墻時輩皆推伏之  
其卒以詩得名者固已見於此矣雲卿詩如荒烟斜日村打晚表柳寒塘  
滿眼子美不城水樓船長料難辨寒雨滴愁生此類甚多不能悉載也  
有逢明先生集行於世二子祁字京叔祁字文季俱有名於時

中州六

題蘇李合畫明濯足圖

天機本自足人事或相須東坡畫三昧題與龍報俱黃州富江堅餘抗渺  
江湖已困口嘲弄更堪李梅塗真來本將戲所到非功夫平生斜川翁尚  
友千載餘可聞不可見風標定何如笑情李居士為予巧形模臨流想有  
詩滄浪元非漁不入聲利場政恐吾足污二公有深意百年留此圖不着  
色塵相澹然如游天地初主人牢鐵膝丹青有前此不渝

過尉氏懷阮籍

朝來國門遊暮趁蓬池宿有懷阮步兵豪氣無檢束嘯歌陟高臺長風振  
林木老眼何曾青四海無一物萬古留詩名九原消醉骨居然方丈家惜  
也微瑕玉塗窮道不窮先生安用哭

泛舟回瀾亭坐中作

昔年醉回瀾猶恨身屬官今年離近來身與亭俱閑洗心亭下水照眼亭  
西山溪山如故人喜我復來還有酒澆我曾有花怡我顏藉鷹乍脫臂但  
覺天地寬山陰忽回松夜闌情未闌

樂山松



樂山一何崇上有千歲松清孤月露底香拔天地中蒲柳抱常質桃李開  
芳容爭如十八公笑傲冰霜風居然喜避世不肯污秦封蟠如北海螭伏  
如南陽龍紛紛過者多匠石終不逢明堂幾時構喚起蒼髯翁

和淵明雜詩

俗士苦紛競此心本無塵功名迺外物了不關吾身吾身復何有形神假相親  
天地開一室日月披兩鄰有生即有化如晏之必晨但得酒中了亦足稱達人  
禪文欲却日小力自不量何如任天運閉門坐齊芳詩書列四隅着我於  
中央夏臥北窓風隆冬曝朝陽但有菘藿羹亦足充飢腸  
少為飢所驅老為病所迫人生能幾何東阡復南陌急須沽酒來一笑甚太白  
浩歌草木振起舞天地交同歡二三子誰主復誰客浮沉大浪中畢竟歸真宅  
歲月去何速老矣變新涼游子久不歸回首望大梁風埃慘如此何處真  
吾鄉野菊明落日林樾染飛霜勸我一杯酒悠然秋興長

和淵明始春懷田舍

家食自不惡菽水甘清負學道未有得讀書亦良勤雖勤竟何補俛首愧  
古人靜言閔世故來者日月新况復抱沉疴百憂無一忻安得衛生訣益

山州六

十四

我華池津恍如一夢覺不與萬法鄰野人借問我恐是劉遺民

和淵明飲酒韻

日入了公事接琴洗塵喧秋堂一燈明清響到夜偏彈罷枕書臥渺然夢  
青山山英向我問君駕何時還家僮忽喚覺惆悵不能言

臘日次幽居韻

世務方擾擾人生何營營不如不出門坐頤天地情泰中有否來陰極即  
陽生掀髯一笑起窓外風鏗鳴看雲偶獨立踏雪時閑行最愛朝日外負  
暄向南榮

歲除次次東坡守歲韻

人生都百年誰問鬪龜蛇容顏鏡中換老醜不可遮殷勤守此歲來歲復  
如何南鄰祭龜喧北里驅儻譁須臾罷無為但聽樓鼓過明朝四十過暮  
景真易斜初心自慷慨白首還蹉跎寄語少年子雖健不足誇

次韻別歲

一日復一月其來不肯遲一冬復一春既去誰能追問歲果安往惜不知  
津涯常於歲除夕知是相別時鄰翁慣禮戲買酒烹鮮肥百挽不得留一



別那須悲年年例如此華髮吾何辭惟有學道心自覺老不衰

次韻魏歲

親朋餉無時鄰里歡有佐况當歲之終可以具百貨禮意各示勤手段不妨大我貧無往還閉戶但高卧藜藿且充腸瓊味不登坐猶勝許文休衣食出馬磨自非楊子雲載酒何人過空吟魏歲詩自歌還自如

清明即事用前韻

一度清明了一年溫風嫋嫋雨班班幾家繡憶尋芳去何處蹇驢馱醉還宿草新墳驚鳥址短落花流水占春閑曉鶯啼破松窓夢缺月東南掛屋山

五月十四夜對月有感

世事易隨雲變滅人生難保月團圓淮陽旅舍三年夢河朔風聲五月寒何處雲山端可老向來天地為誰寬宦游脚底生荆棘蜀道而今却不難再過郾城示伯玉知幾

三任兩度過潁陽鞍馬紅塵道路長花月不應知我老溪山也解笑人忙朔風凜凜頻驚坐夜雨蕭蕭偶對床他日水南營葬地愧無遺愛在桐鄉

次韻閑閑公夢歸

口州六

八十五

眉間喜色終時黃蒲貯羈愁着瘦腸萬里鄉關飛不到十年歧路走空忙盃心蘸月松梢影鼻觀通風栢子香最愛南山舊山色夢中相覓不相忘

題閑閑公夢歸詩後用叔通韻

學道幾人知道味謀生底物是生涯莊周枕上非真蝶樂廣杯中亦假蛇身後功名半張帟夜來鼓吹一池蛙夢間說夢重重夢家外忘家處處家送儂携點西歸

自斷平生不問天拂衣歸去任吾年五侯鯖鮑無多味九老圖成又一傳回首京華瞻日遠放懷鄉社得天全綸巾醉卧咸陽市始信人間有散仙再廣

再廣

人定端能坐勝天刀圭有力制頽年道非出世頭頭是丹不遺經口口傳陰魄沉迷終鬼錄陽精飛鍊即神全三山縹緲誰能到目下身安亦是仙

次韻李公度

餅有儲糧屋有絲蹉跎歲晚坐書癡輞川畫隱王摩詰錦里詩窮杜拾遺應舉尚陪新進士主文半是舊相知春闈看汝魚龍陣未必尖錐勝鈍錐

題無盡藏

吳斗南所藏畫



誰開天地秘密藏今古人間用不窮  
眼尾搖光千日月耳根傳響一溪風  
勝游赤壁文章在高卧燕山氣象同  
二老風流妙何許後生猶可畫圖中

三弟手植瓢材且有詩予亦戲作

為愛胡盧手自我弱條柔蔓漸繁  
回衰花飄後初成實碧蔭濃時可數  
試問老禪藤繳去何如游子杖挑來  
早知瓢落終無用只合江湖養不才

次韻三弟贈南庵老人

一庵礧礧勝巢仙不入叢林恰是禪  
花圃蓮塘閑打景粥盂齋鉢老隨緣  
志言已了八千偈適意更揮三兩絃  
邂逅我來推不去坐分一半好風煙

次韻劉少宣

旅窓蝶夢曉驚迴默數流年抵自哀  
與世迂踈甘袖手及身強健且街杯  
桐彫翠葉看看盡菊着黃花旋旋開  
杖屨南庵訪幽事秋光滿眼送詩來

酬李子遷

曾著朱衣待冕旒忽乘羸馬出皇州  
青山有約携琴往白髮無成把鏡羞  
却笑張儀誇舌在不妨巢父有詩留  
柳湖莎徑東南夢又見兒童逐細侯  
過有川次侯生君澤韻

口川六

一六

誰能孤憤效韓非且喜玄微對鏡機  
出得山來無遠志寄將書去有當歸  
菊居已判平生了真賞從教舉世稀  
日咀道腴深有味更須口腹事甘肥

聞菴用少陵韻

唧唧不堪聞村居更惱人青衫傷久客  
華髮念雙親歲暮那逢雨秋宵未  
向晨石心猶可轉百感本來真

除夕用少陵韻

忽送迢迢漏燈開艷艷花正愁  
聞過鴈久客羨栖鴉放眼春猶好  
驚心日又斜一羨江上雨歸思浩無涯

即事

已疾劉公幹躬耕鄭子真溪山留好客  
天地許閑人花醉紅沾袖松吟翠  
繞身柄心無所歉持此壽吾親

宋樓道中

十里羊腸路詰盤過花穿柳幾迴還  
馬頭忽轉青林角綠繞人家水一灣  
過武丁廟

旱則為霖水則舟若人端合夢中求  
荆王枕上陽臺雨板築英雄老死休



戲荅侯威卿覓墨

萬松火厄化縑塵依舊徂徠雪裏蒼冷削香螺麩一足破滄分與畫眉人  
宮中取張過墨燒去膠以之畫眉謂之畫眉墨

北園

碧梧斜影落胡床白葛烏巾滿意涼宴坐不知紅日晚笋與歸路夾花香

宋內翰九嘉

九嘉字飛卿夏津人黃裳榜進士科歷監田高陵扶風三水四縣令皆有能聲入為右警巡使應奉翰林文字正大中病失音處若歿於癸巳之禍嘗有詩云浩歌嵐露下醉袖拂南山又題壽安煙霞亭云粧鑿土壁紅千點界畫銀沙綠一鈞其才藻可略見矣

途中書事三首

幼穉扶輪婦挽轡連頭翁媪抱諸孫飢民羸卒如流水掘盡原野野蒿枯  
老穉扶携訪熟鄉驛塵滿路殘相望終朝拾穗不盈把只有流民如麥土  
攘絲奪麥入爭略烘日吹風天有年湯餅元非小人腹應爾能都作大夫賢  
鋪中納涼書事

谷州六

八二七

涼酒塵纒聒耳醒虛堂窈窕好風清惟知愛子來迴哺鼠不畏人旁午行  
每用熟眠酬悶寂端知固有享高明宦游非不佳官府奔走塵勞漫一生

東州有感

東城衰草沒黃沙故壘周遭小苑衙牧豎那知真老子龜趺繫馬卧吹茄  
搗金明若作建隆體

建牙拉馬將鳥鳴軍盡驚除道非戰事衝枚幻奇兵滿鎗霜日輝行陣寂  
無聲平旦飛出谷桑棗敲金明定知此陳迹中原遮寇城執鞭吾不及范  
公凛如生破碑字仍在屬最困深荆危襟按其墨信哉天下英成敗翻覆  
手孤兔今橫行收復會有時夷吾當請縛關圖取督元按劍逐長鯨閉塞  
亦已久一揮氛時清

被撥從軍

不巾不襪柳陰行朝醉南村暮此在一旦提將官裏去直馳首馬陣中央  
取所乘首馬而言

留別孫俊民姚公茂

草根殘日射離觴主席風生熟肺腸此去聲雲初照夜翰君吹笛傍糟床



除孽菊

醉醱風味醜人醉著莫東籬  
夢金英全換骨冷香晴雪滿秋風

蓮社圖

野鴛家雞俗好疵虎溪泉石蒲塵埃壯哉砥柱類波裏惟有荆明挽不來  
野鴛不喜佛法自言平生有三恨一恨佛說之說不出于孔氏前二恨解  
學之士多好詳經潤文三恨大才而交異端淵明挽不來之句蓋自况也

卯酒

腸蟻初浮社瓮鴛宿醒正渴  
叩時投醉鄉兀兀陶陶裏底是形骸底是愁

雷御史淵

淵字希顏別字季默同知北京路轉運使事思之季子崇慶二年黃裳榜  
進士甲科釋褐涇州觀察判官召為荆王府文學兼記室參軍  
轉應奉翰林文字同知制誥兼國史院編修官拜監察御史以公事免用  
宰相僕幸獨薦除太學博士還應奉終于翰林修撰初在東平東平河朔  
重兵處也驕將悍卒倚外寇為重自行臺以下皆務為摩拊之希顏燕官  
自律者甚嚴出入軍中儼然不為屈不數月間巷闈家有希顏畫像雖大  
將亦不敢以新進書生遇之嘗為戶部尚書所辟權遂平縣事時年少

口州六

氣銳擊臺石發森伏一縣畏之稱為神明及以御史巡行河南百姓相傳  
雷御史至豪猾望風遁去正大使寅倒迴谷之役希顏上書破朝臣孤注  
之論引援深切灼然易見而主兵者沮之策為不行至今以頽望為當國  
者之恨希顏三歲喪父七歲養於諸兄年十四五貧無以為資乃以由子  
入國學便能自樹立如成人不二十游公卿間太學諸人莫敢與之齒渡  
河後學益博文益奇名益重為人軀幹雄偉驕張口咳痰淫丹眼如望羊  
遇不平則疾惡之氣見於顏間或嚼齒大罵不休雖痛自摧折然粹亦不  
能變也生平慕田疇陳元龍之為人而人亦以古人期之故雖以文章見  
稱在希顏仍為餘事耳

雲知父子有宛丘之行作二詩為饒

陽春到上林百卉紛白紅岸谷稍敷腴溪光亦冲融獨有石階栢不落鼓  
舞中期君如此木歲晚延清風  
漢庭議論學傾耳待飲向君家賢父子千載蔚相望讀書二十年閉戶自  
師匠異端絕偏雜陳言判豨豨剛全百鍊鍊氣出諸老上想風正波靡去  
去作隄障



京叔將拜掃于陳微言為贈老嫻廢學茫無所得獨記其與屏  
山雲如襟期所在者非以為詩也

梁苑池塘生綠煙吹臺草色春草故入幽  
高閉長耶氣英英猶眼前  
陽春無力蘇重泉孝子感時涕泗漣  
匄歸掃淮陽呼微子懸別意拳拳  
我自頑頑須人鑄安能視後輒子鞭  
姬情孔意星日懸斡旋萬化中持權  
斯文與喪實閔天尋常墨客技藝然  
豈巫星臂相比肩何用雕琢空徂年  
即今海縣謾腥膻獨掩朱泗可洗前  
迴公有志屏山賢二豪在日手牽連  
傷哉未嘗墳已顛老我欲種南山田  
子之兄弟其周旋事業絕勝空言傳

同裕之欽叔分韻得真論二字

幼安謝辟命子雲老寂寞趨獨異時命非所度我父困流離二屢求負郭  
誰與斬敵功尚舉力田對卷心啓吾封四履盡伊洛有客來問津醉眼入寥廓  
世事之開眼終日只睡昏清風何處來佳客已在門何處往從之玉色向  
我漁妻孥趣作具歡喜傾瓶盆清夜被被往共就遺山元朝誰及非語發  
揮間微言懸斷漏天樞高滿驚鄰垣脗合政相和意到俄孤鶩恨不倒因  
願列肯留籬焚弃屨獲珠玉披榛見蘭蓀我肱已三折醉隨偶全渾知無

口州六

十九

適俗韻量力任灌園二君清廟器中真華壘蒼蒼生望休息朝廷待崇尊  
山處既異途會合難預論此樂未易得此夕勿憚煩白酒舉初子黃雞濁  
謔孫水樂喧後部山嶽秀前軒一醉萬事休商聲蒲乾坤

會善寺怪松

物生自有常怪特物之病嗟嗟此老蒼怪怪生魁柄侏儒感胛股宿瘤擁  
腮頸蜿蜒蛟龍戲騰擲龜虎競須疑喜張磔意氣怒狂迸匠石求棟楹節  
目足譏評芻蕘急薪樵堅悍空眈眈靜言觀倚伏未易相吊慶雖違時世  
用顧免斤斧橫陽秋莫榮悴歲月何究竟盤盤曲則全挺挺獨也正小草  
悞掃迹伏神還守性儻隨天中景廣宇共旒映

玉華山中同裕之分韻送欽叔得歸字

洗耳潁川水療飢西山蕪山川得佳客草木生光輝末路風教薄此道日  
已微相期千載事非君誰與歸

九日登少室絕頂同裕之分韻得蘿字

閑居愛重九佳人重相過登高酬節物少室鬱鬱蒼我迎遞謝塵土更猶出  
煙蘿欵如椽鰲頭萬壑俯蜂窩浩浩跨積風瀟瀟渺長河日車長紅輪天



字疑蒼波指點數齊州始覺氛埃多我無倚天劍有淚空滂沱驚鱗盼與  
渚倦翼占危柯悔不與家來結茅老巖阿歸途賸老阮廣武意如何

月下全飛伯鸞睡下灌園得畦字

村居鄰老圃喘汗愒夏畦轉轉復晚涼月輪轉天蹊刻刻金猊溝洫消冰  
泮淡黃萎漸蘇息綠潤俄凍迷生意續夜氣甘滋浹新黃風露觸處香河  
漢空中任野人無遠謀且喜豐食鮮雖愧下帷董稍悟養生拙歸懷自浩  
然流光挹平西

齊南珍珠泉

大地萬寶藏玄冥不敢私披開青玉鑿渾渾流珠璣輕明疑夜光潔白真  
摩尼風吹忽脫串日射俄生輝有時如少靳鬚沸却粟島風色媚一川老  
蚌初未知君看一日間巧鑿所不貨遊人隨意滿不昇乾沒兒吾謂歷下  
城繁華富瑰奇貪夫死專利帝意恰其窳故露連城珍可玩不可幾若曰  
天壤間所遇皆汝資何必秘羨竒自貶伊瑕疵詩成一大笑臆說量天機

讀孔北海傳

漢室風流絕建安老瞞父子力掛山可憐魯國真男子也着區區七子間

中州六

二十

賦侯相公雲溪

相君襟度本汪洋戲鑿陂池便渺茫解起晴雲作霖雨更邀明月貯清光  
千重複嶺藏仙境萬斛香泉釀醉鄉畢竟鱗符地不得煙波空效五湖蒼

贈陳司諫正叔

沈兵有志挽天河補袞剛留諫諱坡賦出石腸還婉麗政成鐵面却中和  
寒侵桃李凍無色雪壓池塘燠不波急手尊前謀一醉六街塵土泥人多

濟南汎舟水底見山有感而作

南山已在風塵外更恐飛埃泥碧巖一棹晚涼波底看浴沂面目本天然

洛陽同裕之欽叔賦

日上煙花一片紅崧却西峙洛川東纔聞候騎傳青蓋又見牽羊出絳宮  
事去閔河不橫草秋來陵寢但飛蓬書生不柰興亡恨斗酒聊澆磊磊胸

啓母石同裕之賦

古崩崖一罅開強將神怪附郊禱無情頑石猶貽謗貝錦從爲巷伯哀

贈荅麻信之并序

麻弟避兵渡河徑謁裕之于崧高責怨一見相與之意甚厚既留數日又



將過晉景玄于女九之陰維元劉國士也而弟游於其間則弟之為人可知已臨行復長歌相贈清平贊蓋他日未易量也愛仙不足詩以送之五老英靈未陸沉一枝高秀出詞林瑋瑋自是清朝器律呂偏諧治世音此去文章足知已後來功用只齊心濟時相約元劉了索我雲山深復深

雪

風定雲仍煖天圍四顧似紛紛俄攪野浩浩欲平溪樵擔歸時重漁舟望  
颯迷飢鴉空繞樹若箇可安棲

宮鴉

萬樹瓊芳鎖漢宮群鴉容與五雲中曙光先背朝陽日春信頻呼禁籥風  
青鬢正梳妝一色秀眉學畫闥新工鳳樓未訝啼聲切愁蒲長門信未通

泚石硯

緹囊深復有滄洲文室春融翠欲流退筆成丘竟何益乘時真欲礪吳鉤  
馬上見桃花

九衢鞍馬苦塵腥忽見溪桃倦意醒未必施朱便鹿俗最憐滌露出塢好  
城東詩老圖幽絕水上仙郎記窈窕何以玉堂留故事蕊花營上有丹青

口州六

二十一

叔獻兄歸隱崧山有詩見及依韻奉寄

幾百千年一敬通飄飄歸袂振孤風平生自愛神明在衰俗無從議論公  
韶削向來儀彩鳳弋繒何苦慕冥鴻他年杖屨相尋處三十六峯雲霧中

劉御史雲鵬挽詞二首

氣幹參天擬萬壑聖朝梁棟自堪任  
可忍佳城玉埋土最哀慈幄血霑襟  
傳家賴有雙珠在不爾何如慰士林  
少同里閭思知音投分交情雨舊今  
劉毅秋春誦學上庠連榻夜論心  
南山松桂愁霜殞北地乾坤恨日侵  
不得生芻躬一奠西風吹淚滿衣襟

題黃華江皋烟樹二首

踈柳靜茅亭五十六長江路不見亭中人  
蓬閣蕭烟景莫江山萬里眼一亭  
略約之黃華未死在吾看取畫中詩

送李執剛致仕歸洛

潛計中興屬老成引年陳請獨峰嶸  
果能辦此公真勇愛莫留之我愴情  
塵空恐驚黃鶴舉烟波不負白鷗盟  
洛陽去去春如錦畫日神仙看地行

梨花得紅字



雪作肌膚玉作容不將妖艷  
東風梅魂何物三春在桃臉真成一笑空  
雨細無情添寂寞無情亦月  
相像甘寒結小紅亦相如病渴妨文賦

河山形勝圖

高峯巨壑與天連中國湖防真全北岸塵氛重回首不如圖上看風煙

次裕之韻兼及景弟

名腸相煨半成以戰退紛華始迴文字喜逢修月平津梁愧之濟川材  
等閒有酒輒共醉信口俄詩買才最憶平生劉子駿紫芝可惜不借來

愛詩李道人若愚陽歸隱圖

我家崧前九再著僧驢客相追隨春葩續紛香澗谷夏泉噴薄清心脾  
霜少置酒曳錦障雪嶺探梅香玉螭重陽夜宿太平頂天雞夜半鳴啞啞  
整冠東望見日出金輪湧海光陸離神州赤縣入指顧風埃未靖空嗷嗷  
窮探極覽不知老泉石佳處多田題簡書耻出踏朝市期會迫空愁鞵笞  
襟懷塵土少清夢齒頰棘荆真一癡叩門剝啄者誰子道人面有熊豹姿  
披圖二室忽當眼賈珠編貝多文辭我離山女詩筆退摹寫豈復能清奇

中州六

二十二

再三要索不忍拒依依但記經行時道人愛山復愛詩嗜好成癖未易醫  
山中詩友莫相厭遠勝黨謝聲利乾沒兒

李右司獻能

獻能字敏叔河中人年二十一以少自元賜第廷試第一人宏詞優等授應  
奉翰林文字在翰林九年出為鄭州觀察判官用薦者復應奉俄遷修  
撰以鎮南軍節度副使充河中經略正大八年河中陷獨得一船走陝州  
渡召以道梗不能赴就權陝府行自左右司郎中軍機通樞敏叔資稟明  
敏博聞強記輩流中少見其以為人誠實樂易洞見肺腑世間狡獪變詐  
縟悉無不知然着之不道也與人父不立崖岸盃酒相然諾赴難解紛不  
自顧藉雖小書生以愛兄之道來亦殷勤授劄似雀倒皮無復餘地時輩  
以此歸之家故饒財盡於貞祐之亂京師冷官食貧口絮無以自資大夫  
人素豪侈厚於自奉小不如意則有金魚墮地之譴人視之殆不堪其憂  
而敏叔處之自若也敏叔文章行業過人處甚多而天下獨以其純孝為  
不可及云

贈王飛伯雜言一首



東風吹客衣，收絮逐風飛。曉雪沒寒瘴，似物克朝飢。空聲噴噴，號飢。見秦皇  
或蠕蠕綠破袴，人生豈是犬與雞。終歲區區守門戶，游說萬乘苦不早。儀  
秦殆是穿符盜六國，印千金車蒲眼榮華鏡。中老孔子轉列國，孟軻游齊  
梁。此今千載後，名與日月光。男兒生世不虛生，死恨身後無聲名。不然嗚  
呼，消索京不然著書談六經。九日可射天，可補鞭笞百蠻。作降虜，離騷一  
言亦不惡。雄筆盤盤映千古，君不見彩鳳翔丹霄。一鳴應九韶，寸雲起太  
山。霖雨滿人間，丈夫窮達果在天。安用兒女得志相，散髮矢志相悲伶。仰  
天大笑出門去，四海今誰魯仲連。

夜宿虛皇閣下

倚天青壁截雲霞，一水高懸界削瓜。不惜崎嶇攀石磴，更看綸閣掛雲華。  
玉象影裏虛皇閣，鐵笛聲中秘監家。明日川塗入塵土，却應平地幾褒斜。

玉華谷同希顏裕之分韻得扶字

玉龍驚噴噴，飛流空翠。雲霞曉，曉不收。軟脚山堂一壺酒，暮涼閑對兩峯秋。

四皓圖

弋繒安廷致冥鴻，自是薰懷謝贊功。說說關有遺老望，思臺上已秋風。

中州六

二十三

二老雲行圖二首

自笑膠膠擾擾身，十年及馬走紅塵。何時雪滿平生履，太華峯前約故人。  
抱琴衝雪又衝風，二老風流阿堵中。未似村翁矜抹眼，火爐頭上話年豐。

別馮駕之

東風弄微寒，吹雪作輕陰。春歸未得歸，愁撥客子心。與君俱異縣，那復重  
分襟。感時復恨別，老懷苦難任。憶昨滎陽會，燈火語夜深。縱談閒排語，浩  
氣雜狂吟。相期梁宋游，感君肯相尋。西園偶差池，市樓成孤斟。相逢有水  
酒，暫爾成盃簪。燕鴻還別去，又復如罔參。我行落日邊，及馬獨登臨。君方  
無交社，倦真思茂林。人堪幾回別，老境各駸駸。消水不西流，雙魚定沉沉。  
幸有西飛鴻，無吝金玉音。

昆陽元稹南寺小集

春草短短，春蘭芽東風。弱嬌吹芳華，暗黃着柳小。梅素月姪，新年恰十五。  
東皇太一來，翩翩竹宮神。光祀甘泉茂，陵弓劔沒秋草。風燈煙燼空，自然  
當年曼衍魚龍舞。回頭昭陽化，雅士昆陽客。舍冷于冰破，殿蕭條佛燈古。  
雪消梁苑想春紅，車如流水馬游龍。銀鉞載酒隨春風，酒酣一嘯百五空。



韶華滿眼秋上箭人生得酒從歡離北斗闌干夜添半耿耿踈星淡河漢  
追憶頽亭泛舟寄陽翟諸友

十月久氣寒清霜頽群木輕舟泛頽水微風吹野服信流不知還石艇橫  
老玉苔花錦爛班懸溜珠麗最頽離塵市雜倒瀉軒裳俗歲月今幾何春  
草萋以綠懷歸別飢渴仰羨雙飛鶴矯首九山雲迢迢傷遠目

鄭城秋夜懷李仁知

日入羣動息暝色陰濛濛故人隔頽水孀孀生秋風輕風捲纖雲動蓬  
青銅坐夕襟袖涼故月外天東伊人如此月霽色羅心骨可望不可親  
惟儼如接音容翻翻繞枝鳴唧唧侵塔蒼上床轉不寐高樓待晨鐘  
夜何永月落秋床空

題飛伯詩囊飛伯以布爲囊來當世名卿詩投其中

穎露毛錐紙自賢智如礪腹但未全迂踈差似淵才富着誰猶無杜老錢  
收拾珠璣三萬斛貯儲風月一千篇嘔心大勝奚奴錦要與風人被管絃  
送王飛伯歸陽翟

山州六

二十四

故舊相望似曉星平生懷抱向君傾朱絲不入箏箏耳彩鳳縱儀韶  
三楚迢迢動離思九山落落助高情一塵擬就隆中卧要子向躬腰上耕

西園春日

的皪冰梢出短墻泓澄煖綠靜橫塘娟娟高竹迎人翠嫋嫋長紅隔水香  
病起心情疎酒醒朝來風色妬年芳只應歸去芸窗曉夢到相如錦瑟傍  
蔡陽古城登覽寄裕之

突兀高臺上古城登臨人境兩崢嶸閨河落日感云暮草木臨風氣未平  
虎擲龍擊主伯事夫荒地老古今情一盃欲洗興亡恨爲喚窮途阮步兵  
從獵口號四首

蓮燭金紗簇簇齊台榭籠曉尚凄迷景陽鐘罷聽殘漏萬馬銜霜不敢嘶  
聞隨傳符啓九關一聲清蹕駐南山虎賁先導三千士天馬初離十二閑  
爛爛龍旂捧日旂從臣選認赭紅衣天王清曉親弧矢初合今冬第一圍  
的皪金鈿墜曉星晴天霹靂應弦聲風毛雨血燕雲在未要草間狐兔驚

上清宮梅同座主閑閑公賦

厭住盧家白玉堂琳宮瀟灑占年芳先生瑣樹風霏古影占銀潢月露香



物外根株本仙種世間紅紫避嚴粧  
頭詞伯今何遜一笑詩成字字香

丹陽觀竹宮中移賜

素士如林侍紫清紫清新許住蓬瀛  
始粉如霜勻出畫籠煙梢玉削成  
福地根莖蒙化育中天雨露借恩榮  
綠章封事朝來奏又聽風前彩鳳鳴

王右司渥

渥字仲澤以字行興定二年進士調管州司候不赴壽州防禦使邦獻商州防禦使國器武勝節度庭玉愛其才連辟三府經歷官在軍中九十年舉寧陵令未赴丁太夫人憂廬墓三年服除復授寧陵正大七年朝廷與宋人議和擇可為行人者仲澤以才選九再至揚州制司宋人愛其才有中州豪士之目使還以寧陵課最遷一官入為尚書省掾三月即授太學助教充樞密院經歷官八年院廢權右司郎中中年失利不知所終仲澤博通經史有文采善談論上書法妙于琴事詩其專門之學人物楚楚若素官于朝吏事則與冀京父相上下其辨博又屏山所許天下談士三人之一也嘗與予行內鄉山中馬上賦詩云霜風十月餘千山錦嶂又九日登嶺亭見寄云茫茫襄城野歲晏多風埃野田半已荒草蟲鳴更哀西風

中州六

二二五

吹白雲大隗安在哉七聖之所迷而我胡為來我本林野人初無經世材  
失身鞍馬閒坐令雙鬢摧安得元紫芝共舉重陽杯詩成西北望九山鬱  
崔嵬此詩脫遺軼不復能記憶讀之尚可以見斯人質懷之騷騷上詩不  
中州六  
不被棄為  
計無營却似高是  
青山可埋骨誰家白  
酒不消憂夕陽轉屋則林影急雨壞  
喧水聲人言傳之

頌亭

三載西湖阻勝遊頌亭聊喜散羈愁  
九山西絡煙霞去一水南吞湖壑流  
賓主唱酬空翠琰干戈橫絕自滄洲  
忽忽死馬從軍去懶媿煙波萬里鷗

有寄

十年鐵馬暗京華客子飄零處  
家征鴻久踈河朔信小梅重見汝南花  
樓榭活計依舊雀舟舟年光赴壑  
蛇舊雨故人應念我不來聯句夜煎茶

寄京父

憶昔相從在寢丘城南城北縱歡遊  
杏花聯句香隨馬野水添杯浪拍舟  
邂逅又成三月別飄零合負一春愁  
汝陽淮甸經行徧應有新詩為我留

餐秀軒

秋風幾日搖霜樹秋色南山兩奇絕  
野人窻戶終日開要看千秋秦嶺雪



層崖深谷相吐吞落日白鹿東湖奔野花佛塔古蘭若樓觀縹渺雲霞昏  
玉山生玉人不識草木四時空好色輞川舊與藍橋通細水至今流石室  
一川黃葉長安秋望望不見令人愁書生不是濟時具只得閑身成此遊  
主人開筵留客醉山雨多情濕征杖明朝騎馬上七盤迴首山家但空翠

遊藍田

甲申之秋月建戎我行商嶺正落木山英似與行子期撥霧披雲到山腹  
古潭千丈照錦峰下有螿龍上樓鶴高風吹雪已多時熊耳雙尖寒欲縮  
新乘一水出龍渦驚見千峯遮木柵南山秀拔北山雄劍戟森然對羣玉  
商嶺直過藍田西始見商山真面目候真峽口忽中斷天末脩眉畫濃綠  
此峽何年得此名曾有金仙構華屋西面石室懸細水萬斛瓊珠輪轉谷  
行人尚說有七盤瘦馬已愁疲百曲風門放眼望秦川接接更嗟塵東嶺  
去年游騎渡葭蘆黃里橫行如鬼速灑陵原下馬飲血太華峰頭虎擇肉  
今年九月未仿秋始見登場有新報一鞭暮指古招提疎雨有情留客宿  
主人聞客喜相接尊酒笑談如昔夙蹇予嬾散本真性臨水登山此生足  
一行作吏志益遼十載從軍雙鬢秀官家後日鑄五兵便擬買牛耕白鹿

古州六

二十六

送裕之還嵩山

高樓不受簿書侵清潁鷗盟欲重尋老去宦情知我薄閑來道念見君深  
謝床夜雨他年夢蒲馬西風此日心嵩頂勝游誰得共仙聞仙馭待知音  
刺句用古仙人詩語

古仙人辭今附於此

夢入雲山宮闕幽鸞鷺同侶駕鳳流桂月竟夜光不收世俗擾擾成器秋  
醉殢星馭鞭金虬八仙浪迹追真游龜玉筮蹄二十秋摩霄注壑須人求  
覓翺如或笑刻舟陽燧非無角綺幄元鼎以來虛崑丘東井徒誇冠帶修  
松浪竹飲度屢樓崧頂坐嘯垂直鉤松應慚愧劉幽州知音者無惜留跡  
與定庚辰夏六月望予與河南元好問趙郡李獻能同游玉華谷又將歷  
崧前諸刹因憇於少姨廟元周行廊廡得古仙人詞於壁間然其首言直  
屋漏雨為所漫剝殆不能辨乃礎木石而上拂拭淨滌迫視者久之始可  
完讀觀其體則柏梁事則終始二漢字畫在鍾王之間東井又元鼎所都  
幽州必賢宗子慶也夫眷眷不忘幽州者非吾田疇尚誰歟田復所事之  
難知曹瞞之賞裴俗波蕩中挺挺有烈丈夫風氣其死而不亡蓋無疑其  
能道此誦亦無疑觀者不應以文體百今之變而疑仙語也噫仙山靈岳



宜有隄防博大之真人往來乎其間而世人莫之識也予三人者乃今見之  
夫豈偶然哉再拜留跡以附知音者末渾源雷淵題此詩為仙語無疑然  
自謂田疇則似亦未安屏山李純甫題

遊丹霞下院同裕之鼎玉分得留字

霜落豐山白水收歲華全在竹園頭賦詩鞍馬慚真賞載酒林泉阻勝游  
野色自隨人意遠夕陽應為鳥聲留仙源回首旌旗隔一笛西風喚客愁  
丹霞下寺土人以竹園頭名之

驛口橋看白蓮

陰陰喬木障晴暉的的冰葉照碧漪秋暑困人仍御扇晚風生竹却添衣  
百年蓬躑關心切千里尊羹與願違杖屨頻來約他日不妨先築釣漁磯

蒙城縣齋

穀雨連朝沒麥場官糧未入長官忙塔庭有雨青鞋閑半戶無人白日長

三門津

層崖摩蒼穹四月號陰風大河三門險神禹萬世功他山亦崔嵬砥柱獨  
尊雄雷霆日闢擊悍暴愁天公劉侯智有餘始令舟楫通仍錄石上穴飛

中州六

二十七

樓曾運空遙瞻白玉枝擬植丹竈中仙公去不返此事真冥蒙夫人與鼓  
崖怪幻尤難窮獨喜兵火餘歸然出新宮當時疏鑿意四海要會同誰知  
千歲後築壘防哺兇詩成一大笑浩浩洪波東

被徵再至揚州制司驛亭有題詩譏予和事不成者云來往二  
年無一事青山也解笑行人因為解嘲

冀都事高錫

禹錫字京父龍山人崇慶二年進士調沉丘簿與縣令者不相能及令以  
贓敗疑京父發之乃賂遺權貴誣京父以賓客依託之事坐廢十年朝臣  
薦其才者積數十人終為銓曹所礙居襄邑部使者起之攝旁近諸縣所  
至有父母之愛農司治許昌又為主事區處餽餉上下千餘里不露聲跡  
而條畫次第皆具雖鱗雜米菴若不足經意者問之即應如指諸掌一時  
吏如康伯祿李欽止諸人多自以為不及也正大中當路諸公極力辨其  
被誣乃得以常調守扶風丞召補省掾不就歸德奏充知事及城被攻京  
父為經歷官守禦之策一府倚重之車駕至授左右司郎事兼應奉翰林



文字官奴之變家人勸京父羸服免禍不從人有自外至者京父問賊入  
禁中否曰禁中賊滿矣乃自投水中在京師時希顏仲澤欽叔京父相得  
甚歡外堂拜親有昆弟之義而不肖徒以文字之故得幸諸公間希長子  
六歲澤長四歲欽與京少子二歲希歿於正大辛卯之八月年四十八澤  
歿于明年之七月年四十七欽歿于其年十一月年四十一歲京歿于又  
明年之三月年四十二蓋不二三年而五人者唯不肖在耳今日錄諸君  
子詩感念平昔不覺流涕之被面也

僧房

上方樓觀被衣寒霜後川原眼界寬我是禪房未歸客阿師休作長官看  
贈雷御史兼及松庵馮丈

平生疾惡如風手力振塵網事所難人道千鈞着射鼠我怪衆煦解漂山  
明時士論知無負晚歲交盟宜易寒見說嵩前茹芝老白雲倚杖待君還

中州六

三十八

中州集卷終



# 中州庚集第七

蘭泉先生張建

二十一首 張璜一首

毛宮教麾七首

朱宮教瀾三首

姑汾漫士王琢六首

呂中孚九首

王元節三首

李端甫一首

楊澤州庭秀二首

孫省元鎮一首

張著二首

景覃一首

段繼昌五首

岳行甫二首

迂齋先生周馳二首

劉太常鐸七首

李扶風節二首

劉勳一十三首

李澥四首

秦略一十三首

張琚二首

馬編修天來一首

張內翰本一十首

申編修萬全一首

崔遵三首

王主簿華一首

衛承慶一首

劉昂霄二十四首

田紫芝二首

王萬鍾三首

雷瑄一十九首

王亳州賓三首

李夷三首

郭邦彥六首

史學八首

侯冊五首

王元粹三十三首

王鬱一十二首

## 中州七

蘭泉先生張建

建字吉甫蒲城人明昌初舉才行授絳州教官召為宮教應奉翰林文字以老乞身道陵愛其淳素不欲令去左右眷眷久之超同知華州防禦使事仍賜詩有從今書錦蓮峯下三樂休誇榮啓期之句士林榮之吉甫自蘭泉老人有集行於世其論詩云作詩不論長篇短韻須要詞理具足不欠不餘如荷上洒水散為露珠大者如豆小者如粟細者如塵一一看之無不圓成始為盡善吉甫詩雖不能盡如所言然亦未為無所得也

## 擬古十首

飛雲何冉冉高與日月齊中有兩仙人盛服持玉圭我欲從之游天險不可躋邈焉望不及短日西山西  
客從岳頂來貽我松粉黃為言服之久身輕欲飛翔我嘗淡無味我嗅寂無香還君三太息世好方膏梁  
枯桑依頽垣摧折生理微剝我枝間葉備君身上衣葉盡誰復顧棲鳥來亦稀君看牡丹繁日日笙歌圍

青青河濱柳柯葉柔且妍一從智巧萌成賊為極憊器成豈不佳天質失



自然爭如河堤上濯濯披春煙

石泉河清冷中有九節蒲蒲性本孤潔不受滓穢汙一移入城市生意寄泥淤翠葉日焦卷不霜而自枯寄言守靜者勿涉奔競途

庭前蘭蕙窠三年種不成門外旱蕪黍一旦還自生弟恐傷我足鋤去根與萌如何一雨後走蔓復縱橫

有客曳長裾袖刺謁高閣佞頭拜聞者始得通姓名主人果厚眷開宴海陸并顧必承彼顏語必順彼情不如茅簷下飽我藜藿羹羹

拳拳嶧山桐一樹十二枝枝分十二律所指各不移胡為師襄子獨謂東南奇一律不可闕一技不可遺誰能以此意說似與樂夔

美人何楚楚顏若苕之英絕世而獨立一顧傾人城三星正當戶俟我亦在庭之子無良媒不敢犯露行

丘中有一士顏貞清且癯緇袍僅蔽體蔬飯不蒲孟時出蓬華門鼓腹歌黃虞不知何所得矯首望八區

山中

林樾墮紅珠打着琴上絃山人時一笑愛此聲琅然

中州七

韓信初

一擲風馳萬壘降當時意趣已難量既能歸漢識真主何必下齊求假王將憐深巖巖樹碧門旌搖曳嶺雲黃我詩責備春秋法勝把君佳美虞揚

送張子玉

渭水玻璃碧泰山劒戟明秋光如我瘦行色與君清蟬鳴西風柳鴉翻落日城歸舟幸無物且莫苦負程

梨花

霧樹枝高茁及稠嫩苞開破雪差秣碎粘粉紫嬌齊吐潤卷丹黃葉半抽月影曉忽留好夢雨聲深院鎖清愁瓊胞已實香猶在散入長安賣酒樓長安酒家有梨花樓

荅華陰宋先覺

雲臺清集憶當年詩筆逢君厭老拳後會邈如千里遠壯懷不似十年前風帘搖曳橋南酒煙樹溟濛渭北天咫尺靈山飛不到夢魂長遶玉峰蓮

送賀彥淳還南郊

玉峰明滅暮雲邊默計歸程約半千襁負尚憐靈照幼家貧賴有玉光賢



臨歧淚眼三年別夾路風槐六月天佇立望君西去遠夕陽斜落起孤煙

山村風雨圖

雨昏山店望未見風緊傘簷張不開莫訝披圖便成句爲曾行到此中來

賦胡直之溪橋蓮塘二首

胡氏詞體

溪橋脚下水平分橋柱萍粘浪打痕天向晚日攬昏兩簇青煙斷岸村  
拂拂輕風漾翠瀾粉煤新撲小荷盤塘水漲岸痕漫草閣臨流五月寒

雜詩二首

瓦餅擔山泉石鼎煮巖菊嫩以松挂枝清芬蒲茅屋  
踏雪尋梅花雪梅同一色不是暗香來梅花尋不得

俊師定庵

湧沙石上泉照我良是我輕風一蕩激真態至撒籛乃知永慧性非戒定  
未可道人此名庵千劫付一坐海月自澄明天花任飛妥吾生劇海捷萬  
里信源鹽濕然摩尼珠坐受昏塵裏何時陪遠公同社事香火

送王主簿還鄉

口占七

二

笑君習氣只書生薄有歸裝亦自清瘦僕擔詩雙籠重羸牛引軛一車輕  
長亭已過那知遠別酒猶多未忍傾記取明年斷腸處玉梨花底月三更

張璣

璣字器之河中人才氣超邁時輩少見其比年未二十以鄉試魁陝西河  
東不幸早世張吉甫予之云惜哉器之貞丈夫少年讀徧天下書一事不  
成死於途苗而不秀有矣夫秀而不實有矣夫其爲名流所嗟惜如此

游棲巖寺

林表招人白塔明竹間蘭芷石泉清惠崇水墨西軒景煙帶平蕪水帶城

毛宮教麾

麾字牧遠平陽人大定十六年舉學行特賜進士出身授校書郎入教官  
掖歷太常博士終于同知沁州軍州事有平水集行于世

無題一首

小簾對起石州山楊柳分青入驛驛乍識春風眼如鵲爲誰無語獨憑欄

游河西孫氏園

亭榭依山水亂鳴已如鼙畫障中行照溪芳樹紅雲合迎客幽禽翠羽輕



夢氣未饒金谷友，醉魂如到錦官城。猶慙歸騎匆匆去，不得持盃待月明。

魏城馬南瑞以異香見貽且索詩爲賦二首

梅心蘭甲類，元同氣壓荀家。百和功借潤，更煩纖手玉出雲。初試博山銅，崇朝日下享亭蓋。三月花間細細風，我有因緣在香火。鼻端消息爲君通，二片真香豈復加。便宜編譜入雉誇，留殘一點蓄微水。幻出諸天蒼葡花，佩帶正垂金釧小。薰爐孤起翠雲斜，金籠甲帳豪華事。慚愧桑榆墮牖家。

新春雪與韓府推

春到千門氣自嘉，更教飛雪助年華。六街官柳枝枝絮，一夜江梅樹樹花。况是縱吟多伴侶，直須爛醉作生涯。拂庭迎客東風裏，幕府風流有故家。

和思達兄杏花

碎剪明霞役化工，曉園杏散暖煙中。着逢柳眼三眠白，分得桃腮一笑紅。上苑繁華迷故國，曲江顛軟老春風。欲傳此恨花無語，強畫芳時作醉翁。

春賞

獨入梅天雨，乍晴喚回春意。有新鸞雲霞照眼，青山近羅綺。吹香白晝明翠勺，銀鑿沽酒市暖風。遊日賣花聲，人人共喜華胥世。何用遨頭羨錦城。

口州七

四

朱宮教懶

懶字巨卿，霖堂先生之子。學問該洽，能世其家。大定二十八年進士時年已六十，意氣不少。襄歷諸王文學，應奉翰林文字，終於待制。党趙推挽之力爲多，以符入教宮，掖故集中多宮詞。

寒食不出

地偏無客過，吾廬寒食清明入。燕居驥子捧，既仍臆若孟光舉。按只春蠶，蠟沾香篆。渾傷字，蜂愛餅花。半隨書習氣，未除還自笑。却將佳節付三餘。

黃筌雀蝶

飢雀喧爭，蛺蝶孤錦宮。城闕見丘墟，老筌妙意誰知解。丹粉圖中有諫書。

宮詞

太一芙蓉上下天，秋波澹澹白生煙。採蓮宮女分花了，笑把蘭篙學刺船。

姑汾漫士王琢

琢字器之，平陽人。與毛牧達同時相友善。天性孝友，爲鄉里所稱。酷嗜讀書，往往手自抄寫。家素貧乏，而能以剛介自持。未嘗有所丐貸。時命不偶，年四十五以病卒。士論惜之。有姑汾漫士集，行于世。所著中聖人賦，今世



少有能到者詩好押強筋務以馳騁馬工七月十五夜看月云壓樹有鶯  
鶯悄鄰無吠虎對雨云春雨薄如夢曉雲閑似愁秋霖云云忽寒知氣重人  
靜覺泥深驟雨云電點撒冰彈電光飛火繩春陰云庭澹梨花月樓寒無  
子風夕雨云練挂遮簷直麻懸到地齊此類甚多

元夜雪

寶燈樓閣澹連雲轉盼俄驚糝玉塵遊伎行歌俱失意疏畦麥壟自知春  
良宵不肯平平過造物應誇着昔新猶有中天端正月一梅梅影屬閑人

和張仲宗雪詩不用體物諸字

天人應卜歲出此當佳占舞巧穿幽隙堆寒壓短簷闌門誰擁雪醉館自  
開簾比興非無物詩人正辟嫌

同漕使趙中憲對雪

投隙穿窬苦見侵向無湘耐若為禁花多不入貧家眼歲好方知造物心  
躍馬共思追兔跡抱戈誰與置羊斟新詩與雪爭奇峭擁褐空齋得細吟

又一詩補筆勢好初飛蝶開流春聯又  
善花謝補筆勢好初飛蝶開流春聯又

癸酉歲大熱

中州七

五

似動不動雲蒸空欲雨未雨天無風時時日脚蹴雲破一射萬土紅爐中  
緜綿挂體虜重鎧大屋僅可為焚籠積冰為丘坐自清輕箬是况得微涼通  
山林亦闕有喝死城市偪側宜無容吾生於熱亦屢度此熱盡可并前鋒  
雖然一氣播常令頰作駭異疑非公曾聞天苟有祝融出入毒霧騎雙龍  
自從鼎去昧神怪無乃煽處行心習手搖斗柄酌炎海力返燥怒乘離官  
喜為鬱蒸怒為火流燦金石乾河洪熾昌自欲并朱夏驕寒未肯官炎農  
霞煙灼灼燥昏曉鳥獸喘喘茫西東此而不制蒲三伏遂恐百物隨枯蓬  
太白之兵攢萬鋒銀河之浪滔無窮可洗虐焰更效凶我欲呼應煩神功  
耽耽九虎天闕重

辛未九月二十一日雪

幾日西郊霧連宵北牖風菊枝猶泛酒雪片忽填空草樹秋容失可闕曉  
氣濛濛初疑落葉仰不辨高鴻爛熳三冬意憑凌百圃功披裘赴雞黍掃  
徑惜籬藜山料玄英巧來爭白帝雄剪裁渾草草飛舞太匆匆抵作干時  
令非關北嶽豐冬雷怪相似春電冷應同安得蛟龍蛰何由翳霧通日華  
外赤壁天色湛青銅尚有登臨興寧無賦詠工煙霞狂醉嘯一發醉顏紅



雨夕感寓

漠漠初燈後森森細點飄繁聲入過夜冷簾恍秋宵起欲吟相和吁無客  
可招何曾洗兵馬但覺漏箭新燒雷電初無預炎煎遂不驕瀉簷鏘未歇  
枕兀無聊潤已山翰潦堪應水沒橋長林倦今夕孤鳥撼驚條似我纏憂  
戚因貧墮寂寥避人猶虺蜴擇宿等鷓鴣共世難曹欄無才匹管蕭苦心  
還自笑末俗本多習耒老愁摧曠長劍帶臙腰牀寒少陵被飲陋子淵  
射策初游漢濟山敢傲堯盜車竟垂耳風鶴忌干霄一室元空掃子鍾  
豈易要弄蘭逼惟悴尺鷃失道遙字對諸生識詩煩衆手瑯搜求勞賢  
賢擊謝咸韶舊弄新絃掩窮途拙目操爭爲壯夫篆只使古風澆血指  
甘時巧包着情道消優游能卒歲三四儘論朝故慢幽霧透長繁暗燼  
排不辭墻出菊債見穀抽苗廢飲貪夫腹翻騰樂歲誦晴樓交燕雀京  
樹涕墀蟪坐使虹蜺出憂無萍梗漂浩歌彌激列鎮在海門潮

呂中孚

中孚字信臣冀州南宮人孝友純至迄今爲鄉人所稱累舉不第以詩文  
自娛有清漳集行于世其賦紅葉云張園多古木蕭寺半斜陽先君子甚

中州七

六

愛之

小景

青蕪平野四圍山山郭依依紫翠間村遠路長人去少一竿斜日酒旗閑

春月

柳塘漠漠暗啼鴉一鏡晴飛玉有華好月夜闌人不寐半庭寒影在梨花

水聲

長波千頃碧淙淙浪卷秋風過石砭記得夜來愁聽處一燈明滅照寒窗

雪

隨風拂拂玉花飄入夜寒窓更寂寥爐火已殘燈未燼一簾疎竹白蕭蕭

送李嘉甫信都令耘甫之弟

溪水碧於草溪邊送客行寫詩傳別意把酒聽歌聲去路青天遠歸心白  
羽輕尊前折楊柳一一是離情

寫懷

秦川西去遠不意過漳川歸夢三千里羈愁二十年謀生空自廢行路若  
青天餘事休相問相留只醉眠



梨花

等待清明得得芳團枝晴雪煖生香洗粧自有風流態却笑紅深睡海棠

集句

騷人吟罷起鄉愁百感中來不自由一種人間太平日蒲衣塵土避公侯

柳

風外絲絲曷綠煙輕花初破不成綿却嫌官路逢寒食惱亂離愁似去年

王元節

元節字子元弘州人祖山甫遼戶部侍郎父誦海陵朝左司員外郎子元  
婿於南山翁傳其賦學弟進士推尚氣節不能從俗俯仰故仕不達既罷  
密州觀察判官即閑居鄉里以詩酒自娛號遜齋老人年五十餘卒弟元  
德亦弟進士有能名於時終於南京路提刑使

青塚

環珮魂歸青塚月琵琶聲斷黑山秋漢家多少征西將泉下相逢也合著

與党世傑軍判丁亭會飲

望斷西州萬里家又將新火試新茶青油幕下成何事兩見常山山杏花

合州七

六七

古鎮道中

秀拔諸峯鎮海敷海水氣兩昏昏鷗飛翠竹白沙地人宿黃魚紫蟹村  
向背雲山行處路淺深朝浦漲來痕同游幸有能詩客不倦躋攀到石門

李端甫

端甫字濼夫同州人弟進士三王勉志仕為平定州軍事判官工于詩有  
虎迹未乾溪水近樵聲相答嶺雲深之句子實字師白死于壬辰之亂

太白扇頭

巖冰澗雪謫仙才碧海騎鯨望不回今日霜紈見遺像飄然疑自月中來

楊澤州序秀

庭秀字德懋華州人大定中進士學詩於蘭泉張吉甫有渴心曉夢江湖  
闕醉眼春風草木似之句泰和三年刺澤州致仕後閑居鄉里坐為楊珪  
註誤被法士論冤惜之

成臯道中

瘦馬成臯道阻長崢嶸冰雪老年光九閩欲上虎豹怒三逕未歸松菊荒  
出松少雲煙聊駐馬漢唐宮殿兩亡羊鄭南嶺下梅花發千里相思空斷腸



李簡之蓮池集句

一月衰頰幾笑開生前相遇且銜杯蓮塘十里花如錦有底忙時不肯來

鎮字安常絳州人高才博學嘗中省試魁永安二年五赴廷試賜弟以陝  
令致仕年八十四卒有注東坡樂府歷代登科記行於世弟寧州刺史錡  
字安世番原令鉉字安道同榜擢弟鄉人榮之號三桂孫氏安常孫詵思  
美軍府參佐安世孫處謙志全安道孫蔚今俱在

許氏雙桂堂

許家三桂聯翩秀孫氏三枝次弟春盛事若將相比並翰君堂上拜雙親

張著

著字仲揚永安人泰和五年以詩名召見應制稱旨特恩授監御府書畫

九日

雨沐天容霽欲流好山誇翠出墻頭黃花憔悴東籬晚一段陶家冷淡秋

雨後

西風無意嫖纖雲掃盡千峯雨脚痕一片秋光清似水家家空翠滿柴門

中州七

景覃

覃字伯仁華陰人年十八有賦聲大定初三赴簾試後以病不就舉博極  
群書有舉問者立誦數百言不休又從而講說之為人誠實樂易不修威  
儀隱居西陽里以種樹為業落托嗜酒醉則浩歌日以為常作詩有功樂  
府亦可傳予同年進士王元禮嘗從之學說伯仁老不廢書有勸以養目  
力者曰我輩非讀書則無所用心要當死而後已耳晚年於易有所得年  
七十終于家自號清瀆野叟有集傳關中

感事

蘭芳切禁當門種木苦何傷並道生自古英雄足猜已莫教身外有浮名

段繼昌

繼昌字子新白水人自號適安居士喜作詩與華陰景伯仁相友善家甚  
貧而世間事皆不以挂口有以錢遺之者必盡送酒家名酒曰黃嬌蓋關  
中人謂兒女為阿嬌子新以酒比之故云一日天苦寒人有遺之酒者飲  
不盡而醉夜半勿為起以衣衾覆酒缸僵卧榻上人為言酒自不冰先生  
將不為寒所病乎子新笑曰人病尚可酒病不可療也其好飲如此臨終



辭鄉里託以他適明白於于党氏園亭大石上視之已逝矣伯仁吊之云  
適安居士舊知聞廩達靈根厭世紛辭罷親朋便歸去一籌今日又輸君

梨花

一林輕素媚春光透骨濃香和香消得太真吹玉笛小庭人散月如霜

一溪

一溪流水走青蛇春在江邊漁父家竹外寒梅看欲盡清香移入小桃花

春早二首

魚兒水泛鴨頭綠野馬塵飛羊角風西崦山家籬落背杏梢初見一分紅  
斷冰銷盡荻芽尖凍壠蘇來白莽添幾片野雲飛不去晚風吹作雨纖纖

讀紀信傳

鹿走中原兩虎爭滎陽圍解事堪驚當時拔劍論功者矢口何人說紀生

岳行甫

行甫字仁老鄆州洛川人在關中最有詩名泰和初有以仁老時病詩達  
之道陵者道陵大加賞異授以官不就士論高之舊所傳沾泥柳絮燕銜  
去鑽月梨花鷺喚開本前人詩又苦無佳致世俗識真者少候謂仁老所

中州七

九

作乃關傳之曾見仁老詩百餘篇佳句甚多續當就秦中好事家搜訪之  
謝人惠二小漆冠

規製新翻出杜即最宜閨子夜燒香不爭寶鬢我官樣自與霓裳配  
細攤翠屐雲易滿淺銜牙柳月難藏水衡變寄非無意要買楊枝插玉光

立春日

銀線青絲翠梳堆爭牛擊鼓欲驚雷翻風闔巧春頭勝流雪浮香腸尾  
迎煖梢梢金着柳返寒葉葉粉飄梅不成一事人空老半百光陰又七廻

迂齋先生周馳

馳字仲才濟南人經學出於醇德先生王廣道賦學出於泰山李時亨至  
於党趙又其忘年友也質性古雅而以襟量負稱大定中住太學屢以策  
論魁天下私試亦頻中監元家素饒財鄉人強以子弟從之學所得東脩  
皆散諸生之貧者貞祐之兵濟南陷不肯降携二孫赴井死鄉人葬之宅  
後之壽樂堂遼東人吳子英嘗從仲才學能記其所著亞父撞玉卮賦及  
他文數篇

著詩章廟御題限紅字韻



尖東形何短，籌分色盡紅。駢頭斯効力，失偶竟何功。比數槃盂側，經營指掌中。蒸豚挑項藥，湯餅拌油葱。正使遭讒口，何嘗廢直躬。上前如許借，猶足沃淵衷。

馮子私盍反支起也

勿以微才棄安危，任不輕誰恰一片。小能使四方平，几按由吾正。槃盂免爾傾，何當遇夷坦。沉默更何營，此詩王仲澤所傳，或以爲仲澤作也。以其與周才仲詩意相近，姑附於此，以俟更攷。

劉太常鐸

鐸字文仲，冀州彘強人。永安五年進士，元光二年入爲太常博士。正大初，改兵部員外郎，以武昌軍節度副使致仕。癸巳歲病歿于京師，自號柳溪。先生有集傳于家，武成王著作序言：文仲生未能言，已識百餘字，及授學，頓悟過人，爲人誠實，少許可不徇流俗，不慕榮利。蓋實錄云：子敏中字庭幹，亦學詩，今居洛中。

三陽述懷

蟻穴吾猶夢，蠅廬此僅容。一川青霧合，半嶺白雲封。地僻宜藏拙，閑官足

中州七

養慵，只慚無補報，潦倒不歸農。

即事亦在三陽時作

地與中州迥，民餘上古淳。峽長深東渭，路險曲通秦。煙柳千家曉，風花百里春。一官如自擇，閑處着閑身。

澠池驛舍用苑極之即中韻

慣從鞍馬作生涯，宿處依依認是家。爐火相看衣袖煖，盞食未辨驛厨譁。淹留歲月頭如雪，汨沒風塵眼更花。求夜如何得消遣，新詩吟罷自煎茶。

春日

翠微深處幾人家，風颺輕煙雨壓沙。寒勒野桃開較晚，向陽才有兩三花。

所見

翰宰老子綠蓑衣，細雨斜風一釣磯。正是隣家社醕熟，林條穿得錦鱗歸。

讀李訓鄭注傳二首

誰教闈宦作權臣，肅代優游到敬文。三子謀疎誰不道，泄機也合罪劉蕡。某醫入待奉，防猜滿失機。權亦可哀，陳寶至李佳。傳在莫從成敗論人材。

李扶風節



節字正臣涇州人呂造榜進士以詩名關中資性滑稽談笑有味而臨事以幹局稱歷威戎扶風令初名守節哀宗即位去守字哀宗知其名謂侍臣言吾不欲人避上一字守守節何故避之良久曰臣子敬君避之亦可正臣有詩云梧桐打出和羅米丁口簽來自願軍讀之則時政可見矣

漁父

舉世從誰話獨醒短蓑輕騎寄餘生半篙春水世塵遠一笛晚風山雨晴稚乳蒲船生事簡魚蝦到市利源輕旁人莫怪機心少曾與滄洲白鳥明

有感

亂離何事最堪傷孝子陵前段氏莊鑄鐵作門貽鬼笑堆金齊斗買天亡春風草葉藏書壁落日孤鳴打麥場惆悵賢郎一丘土過車腸痛獨難忘

劉勳

勳字少宣本出洛陽元魏遷洛陽二十萬家實雲中故其父祖而上為雲中人至少宣客居濟南樂其風土遂占籍焉少日住太學與兄譙庶老俱有聲場屋間南渡後專於詩學往往為人所傳其先世本衣冠家風流繼藉都無科舉氣見于文字者亦然嘗有詩云萬里風沙冷病客幾年刁斗

中州七

八十一

秋寒更人憐直道遺時好自喜閉身與世疎擊筑漫流燕客淚風蘭誰識舞臣心濟南云午風襟袖知秋早甲夜闌干得月多又云船行着色屏風裏人在回文錦字中百和香薰風過颺萬盤珠落雨來時此類甚多少宜長於尺牘落筆皆有可觀其繫府如暮鴉庭院春陰淡之句尤可喜也

讀張仲揚詩因題其上

布衣一日見明君俄有詩名四海聞楓落吳江真好句不須多示鄭參軍

偶作

將軍馬躍五楸鼓客子車行三唱雞白髮書生無伎倆蒲蔥紅日醉如泥

杜善甫乞炭

筆口酸嘶解說窮寒爐隨手變春紅因君大笑涪翁拙費盡奇香得馬通

呈呂陳州唐卿

警盜何煩鼓夜柝麗譙清善卷高牙春回和氣一千里雪與豐年十萬家通賦稍寬新得帖軍書不至早休衙新年載酒須行樂次第東風送那花

秋涼

桃笙乘勢獻微涼紈扇無功送暑光老病不禁風露冷莫教添作曉邊霜



變詩李道人松陽隱圖

脫却儒冠已自閑，更令家事勿相關。百錢便掛青藜杖，不看先生紙上山。

元夜陰晦  
逐逐離鞍趁畫輪，年芳樂事一番新。芙蓉城樓東風夜，楊柳樓深笑語春。兩鬢秋添新白雪，十年夢到軟紅塵。空庭不見梅花月，寂寞春陰最惱人。

傷曹吉甫之死

官職雖低有不低，爭教有志竟空歸。向人指畫將何語，以筆糊塗不解題。小女繞床慙戲劇，老兵伏地亦悲啼。春風繫馬庭前樹，只想東齋醉似泥。

同趙宜之與梨花月

雪樹生香淡月邊，相如相合闌清妍。空庭冷落秋千影，虛度良宵亦可憐。

不寐

醉奴作祟攪秋眠，追咎前非四十年。一夜蟲聲相計會，併催白髮到愁邊。

春日

中州七

十二

粉蝶耽香夢，正迷黃蜂和蜜計。何礙小軒無事，誰如我臥看楊花點硯池。

荅仲和

此身安處苦難尋，常羨歸鴉易滿林。望遠真成賈武嘆，得詩空作洛生吟。逢人放適村村酒，感物悲哀歲歲心。想得濟南花正好，抱城春水一篙深。

李綱

澗字公渡，相人少從王內翰。子端學詩能行畫，工畫山水就所長。論之詩為長，性寬緩笑談有味。居京師十五年，日遊貴人之門。所至以上客，延之善處，世不為人所忌。疾雅有前輩典刑，累舉不第。年六十餘卒於通許陳留之間。

漫書

曾懷平日意，八達伎倆只今龜。六歲唯有閒情如老菊，寒華自信晚能香。

二老雪行圖

雪明萬仞鄴西山，杖屨平生幾往還。蒲眼京塵空對畫，何時真似兩翁閑。

秘書張監墨梅圖 張南人

眼中只有梅千樹，不挂世間蜂蝶花。十載江南春夢斷，至今清影在君家。



燈下梅影

丁年夜坐眼如魚老矣而今不讀書牆角短檠還有瓦鉗相對一枝疎

秦略

略字簡夫陵川人父事軻有詩名工作大字簡夫少舉進士不中即以詩為業詩尚雕刻而不欲見斧鑿痕故頗有自得之趣悼亡一詩高出時輩殆荆公所謂看似尋常最奇崛成如容易却艱難者耶年六十七卒臨終留詩云軀殼歸朽宅兒孫邂逅思雲山最佳處隨意着詩魂簡夫自號西溪老人有集行于世子彥容為黃冠師今在平陽

拳秀峯

平滑石之俗其俗資磨礱石之秀比秀在醜中正如古丈夫兒瘕氣雄又如聖人心孔竅虛明通大都一拳許含蓄華與高大巧本若拙足見造化功好處元更多摹寫不易工君其善調護抵擊防兒童

雪行

及馬東來冰雪天蒼山手冷隨吟鞭煙中騷騷聞雞犬不覺人家到眼前

鳥影過寒塘

口州七

十一三

着眼分明莫作疑從來形影本同歸不應水底青天上更有飛禽仰面飛

悼亡

自古生離足感傷爭教死別便相忘荒陂何處墳三尺老眼他鄉淚數行多事春風吹夢散無情寒月照更長還家恰是新寒節忍見堂空香拜塔

元日

新曆從頭數殘冬與我違不知垂老至但覺拜人稀汲水沈融并看書煖入悽涼情堵外柳新綠已依依

贈趙宜之

年時見君行路難喜於長安新得官日來見君鄰婦哭驚鳥似藍田尋得玉愛官愛玉樂有涯愛君之詩無盡期古人骨冷不復作主張騷雅非君誰

白髮

臨水時自照照我須與眉須眉何所似恰似純白絲從茲一白後寧有再黑時譬如花落地不復還故枝殷勤語須眉聽我自解詩幼小癡讀書既壯多憂思自苦有冰蘗自澗無膏脂勞生到今日汝自將何辭

同希穎裕之賦樂真竹拂子



百尺箇龜毛抵死難直教擊碎釣魚竿世人不用生分別信手拈來總一版

少室山卓劍峯

神威洗盡世間塵電歇雷閑怒氣收一柄太阿留少室却擎空掌蓋山頭

此身

此身日日一箇貧負負裏留殘自在身獨把筇枝行又立東風花柳不喚人

穀靡靡上黨公府作

穀靡靡青割將來強半批急忙春米送官倉只恐秋風馬塵起官倉遠在  
蓋麥山南梯直上青雲開梯危一上八九里之字百折繁迴環憑誰說向  
監倉使斛面莫教高一指請君公路看擔夫汗顆多於所擔米

麝香

山麝逃風遠谷藏一山行過四山香麝堂自養千鈞弩柱怨虞人鼻孔長

趙洛道中

柔青初散灘頭桑村落人家布穀忙一段蕪菁渾着角葉間猶有幾花黃

張璠

璠字子玉河中人父鉉字鼎臣大定中弟進士仕至同知定國節度使事

中州七

十四

子玉刻意於詩五言其所長也如初至華下云老雨梧桐夜孤燈蟋蟀秋  
客同州云秋風留客館夜雨借僧理詩人喜稱道之至有張五字之目集  
號章齋

移河中

耕戰連年廢吾知有此行條山猶在眼渭水若為情鮑內射狼喜傾巢燕  
雀散馬西樓今夜月秋心絕是空城

秋夜

人與年華老愁兼節物變高風梧墮砌久雨竹侵窻客篋悲秋臥僧鐘數  
夜鐘更堪羨鬢影蕭蕭照寒缸

馬編修天來

天來字雲章人止謂之元章介休人黃裳榜經義進士博學多技能書入  
神品百年以來無出其右者屏山常言天下辯士有三王仲澤馬元章純  
甫其一也元章住太學十九年貧苦之極人所不能堪然其談笑自若也  
大定初調潁州司候藥醫署召為國史院編修官正大九年病歿於京師  
年六十一劉紹官有贈詩云波瀾口起談玄駛土木形骸與世違時昔麻



鞋見天子口今道服勝朝衣黃實錄也元章多作詩欲別出盧仝馬異之  
外又多用俳體作譏刺語如云木偶衣冠休嚇我瓦伶口頰欲設誰嚙骨  
取肥屠肆狗哺糟得醉酒家猪如此之類不得不謂之多中和之氣至其  
賦丹書以下寺竹云人天解種不私草欲界獨爲無色花雪云夜來窻外渾疑  
月今日墻頭不見山宋云先生睡起騎驢看太素一游非世間龍門云白  
金雲雲雪青補石門天則知詩者亦當以功揜過耳

山中

青林寂寂鳥關關畫出風煙落照間脫却草鞋臨水坐野雲分我一邊閑

張內翰本

本字敏之觀津人貞祐二年進士工於大篆及八分四十歲後學詩詩殊  
有古意正大九年以翰林學士從曹王出質客居燕京長春宮將十年後  
游濟南病卒

得王子正書

煖鶴何處來飛鳴向前除故人在天涯遺我尺素書爲言長相思夢寐同  
所居所居亦靡他上論揖讓初覺來獨愴然淡月留太虛寒予臨未路世

中州七

十五

味皆泊如一學未敢輟尚念客氣鉅切磋與琢磨政恐朋友疎自從吾子  
東門之長者車發揮天人奧大辯孰起予丹陽何高明吾子昔所處南軒  
拂翠筠此潭照紅藻蝗害非不虐子食豈無餘灤江固自佳何堪由長裾  
春風日夕至歸哉莫踟躕

寄弟

離離丘壠田鬱鬱霜露思相隔二十年日莫一何悲中途涉萬里天幸復  
來歸燕安此懷若愧彼伸與祗叔考孝且友見義能不疑上念先學孤亦  
悶乃兄癡護喪營大葬勤苦我所知昨朝尺書來殷勤或及茲燈下展轉  
讀涕淚沾裳衣父柩失臨穴子焉庸我爲我非羽毛寄飽食真然飛田居  
有素懷行當事會曾與子奉遺祀沒身以爲期

梁都運斗南新居落成

購材燕市中作室何翹翹老手爲拮据百日不敢驕室成僅容膝勃谿益  
無聊云胡寫予懷惟是風雨宵先生名大夫黼衣華四朝楓堂接桂室燕  
處俱道遙新築誠瑣考實飲稱一瓢居之不自陋無乃壯志消孰知君子  
心一心恒萬朝泊滄寧我盈瀛瀛不吾凋處樂及處約所以長嘯嚙里社



落落成賤子亦見招槩冷無兼味至樂等聞韶我獨何人斯亦惟德音昭  
日居及月諸維此心搖搖

中秋雨夕呈君美

怪得秋雲不肯晴天公爲惜此杯傾無邊清景閱人意多事西風送雨聲  
挂樹婆娑辜勝賞桐枝點滴厭殘更殷勤朝鏡休重攬白髮星星又幾莖

九日月中對菊同禧伯即中賦六首

花上清光花下陰素娥惜此萬黃金一杯寒露三更後誰信幽人更苦心  
九日餘香伴月明一觴亦足暢幽情青樓夜半琵琶語不說人間有此清  
子山空落去江南賦主悲哀尚一堪只恐秋天聞亦苦併催紅雨下霜巖  
瘦信哀江南賦唯以悲哀爲主

病魂招得未渾全眼倚秋屏豈是禪一夢忽成霜蝶去草深三迳若爲眠  
鬼化斯文念賈生精神瓊琢坐寒更一書草就渾衣卧恨煞東方不肯明  
龍山戲馬賞秋光多少新詩入錦囊磨滅英雄豈勝數千年依舊一花香

申編修萬全

萬全字百勝高平人兄無吏字百福崇慶二年進士百勝少有聲太學中

中州七

一六

貞祐二年乙科調福昌簿不赴隱居盧氏山中以讀書爲業作詩有靜功  
然不多見也正大中召爲史館編修徙行省慶山南征道中有詩云回首  
秋風謝敝廬崎嶇又復逐戎車人生行止元無定一葦江湖縵所如不數  
日溺水死人以爲讖云

病中遣懷

浪走天涯歲月侵病中猶作越人吟野麋本自便豐草倦鳥寧當志故林  
畫像功名元有命乞墦富貴果何心幾時真脫塵累累巖穴尋君不厭深

和陳舜俞詩

閑裏那容更刺頭石田茅屋喚歸休杜門便與詩書老過隙從教歲月流  
槩木見容良自媿錯刀相贈若爲酬酌君安得如川酒醉眼蚩呼萬戶侯

崔遵

遵字懷祖北燕人父建昌字曼卿大定二十五年進士仕至同知武安軍  
節度使事懷祖事繼母孝與人交有終始邊重少語未嘗及人短長少日  
在太學有賦聲南渡後不就舉遷居崧山二十年課僮僕治生生理亦粗  
給前輩如趙吏部子文張左丞信甫馮亳州叔獻或懷祖文人行皆與之



詩酒相往來懷祖喜賓客有絕藉從容文雅使人久與之處而不厭也嘗有宿少林詩云青山已有十年舊白雪又爲三日留其他往往稱是

送裕之官鄧下兼簡仲澤

青燈別酒夜沉沉力負相思自不任閉裏更誰留我醉興來無復伴君吟一枝仙桂知難擬千頃黃陂未厭深爲向荆州王粲道安排佳境約相尋

和裕之二首

行李西來便得君相從回首七經春君方備悉原思病我亦私憐仲父貧底事却成今日別枯腸難着此愁新鷲肩火色直將駮馬虎何勞更問辛不幸還能作幸民十年同醉潁川春酒船載我雖堪老任路有時或爲賓少室山人三日亞東門紙價一番新益知哀樂終年事未唱驪駒臯已辛

王主簿革

革字德新一名著臨潢人以蔭補官碌碌完庫餘三十年正大中以六赴廷試賜出身調宜君簿爲人有蘊藉善談笑密公與之唱酬相得甚歡初在太原作詩有赤心遭白眼笑面得嗔拳之句公甚愛之有詩寄之云柳塘雲靄千鍾酒笑面嗔拳五字詩蓋志此也及弟後呈同年云孤身去國

中州七

十七

五千里一茅蓬人四十年大爲閑閑所稱德新交游滿天下獨許欽叔與予爲莫逆云年七十八終於雲中

寄荅劉京叔

十年相望惜睽違驚見蘭章隨客扉鄭子已開耕有谷榮公誰念老無衣水浮落日流無盡山礙行雲斷不飛千古神川亦不亡幾時同采北山薇

衛承慶

承慶字昌叔襄城人父文仲承安中進士以孝友淳直稱於鄉里官至文登今年七十餘卒臨終沐浴易衣冠與家人訣怡然安坐誦東坡赤壁樂府又歌人間如夢以下二句歌闕而逝昌叔資冲澹有父風及識路宣叔王逸賓文伯起故其詩似之

感興

十日不出門出門春已好並山花更多十里紅未了朝看花尚妍暮看桃又老驚紅墮危枝餘香寄芳草人生祗如此百年疾過鳥安得脫塵索遊戲萬物表

劉昂霄



昂霄字景玄別字季房陵川人父俞字彬叔明昌二年進士仕為承務司  
管勾秦和中予識景玄於太原人有言是家讀廣記非月能背誦者予未之  
許也戲取市人日曆鱗雜米盞者令讀之一過目無脫遺大率景玄之學  
無所不關六經百氏外世譜官制與兵家所以成敗者為最詳為人細瘦  
似不能勝衣好橫策危坐掉頭吟諷幅巾奮袖談辭如雲四座聳聽噤不  
得語故評者謂承平以來王湯臣論人物李之純玄談說稱獨步景玄則  
兼衆人之所獨愈叩而愈無窮不知去古談士為遠近餘子不論也嘗用  
門資叙調慶陽軍器庫使不就諸公方薦試宏辭而景玄病不起矣臨終  
夢賦山泉云帶雲縈遠間和月到疎林又云萬里馮唐老中年賈傳歸未  
幾下世年三十七

中秋日同辛敬之魏邦彦馬伯善麻信之元裕之燕集三鄉光武廟諸君有詩昂霄亦繼作

積甲原頭漢閣宮登臨還喜故人同超超萬里乾坤眼凜凜千年草木風  
今古消沉詩句裏河山浮動酒杯中極知勝日須曷醉更得銀盤上海東

趙村晚望

口州七

八十八

放眼東原上風煙接渺茫林疎出村落野迴散牛羊天地浮元氣山河半  
夕陽登高一長嘯未覺阮生狂

送裕之往洛陽兼簡孫伯英

洛水崧山壽樂堂每從熱惱得清涼竹床石枕應無恙尚可分風供十方  
題裕之家山圖

萬里神州劫火餘九原東甫有餘辜作詩為報元夫子莫倚家山在畫圖  
同敬之裕之游小谷分韻賦詩得荷風送香氣五字各賦一首

招提有勝踐日暮一經過何物媚詩人微風動池荷  
尋幽意自愜况與佳人同俗物不到眼談笑來天風

敲門看脩竹重理舊年夢上山復下山清風管迎送  
寒泉漱雲根湛然涵鏡光誰知一滴味中有曹溪香

迂辛與臞元得句猶有味頽垣斂暝色深竹貯秋氣  
寄申伯勝三首

直氣南山相與高爭教塵土泥青袍征科頗似曾料理差勝參軍作馬曹  
說版那能拜下風世間禮數困英雄狂歌醉舞人誰識憔悴通泉郭代公



連昌能隔幾牛鳴不見令人鄙吝生乘興時思一相訪劇談豪飲見真情  
游五渡谷

南山如碧環缺處蒼崖開當年造物手辨此何神哉睥睨倚天壁千古封  
莓苔源源萬斛泉飛出重山來自龍三百丈行處鳴春雷巨石若棟宇轟  
珂相推排跳波與濺沫餘怒猶喧喧我來值杪秋萬壑風聲哀黃花雜  
相錦繡紛巖隈奇勝夙所貪欲夫仍裴回題詩還自笑媿我非仙材

田紫芝

紫芝字德秀滄州人父齊以蔭為部掾德秀少孤養於外家庭裏趙氏故  
多居於忻年十三外祖廣寧治中命賦麗華引語意驚絕人謂李長吉復  
生真性穎悟一覽萬言年二十讀經傳子史幾徧為人疎俊而以樞籍見  
稱與同郡王元卿齊名貞祐初避兵臺山倉卒為游騎所馳遇害時年二  
十三士論惜之

夜雨倚元敏之昆弟 時年十六

醉夢蕭蕭蝶翅輕一燈無語夢邊明虛簷急雨三江浪老木高風萬馬兵  
枕簟先秋失殘暑湖山徹曉看新晴對床曾有詩來否為問章家好弟兄

口州七

十九

亂後登凌雲臺

愁思紛紛不易裁凌雲臺上獨裴回亂鴉背看斜陽去寒鴈帶將秋色來  
破屋無煙空碎瓦新墳經雨已蒼苔天翻地覆親曾見信得昆明有劫灰

冥鴻亭下弟後作

眼底功名一物無飛揚跋扈竟何如青雲歧路多辛苦賴得皇家結網珠

王萬鍾

萬鍾字元卿秀容人父甫字用之通經史淳質有儒行亦以知醫見稱兄  
萬石字器玉住太學有賦聲用之妻死不更娶二子俱無家室并曰之事  
率親為之貧居陋巷中破屋蕭然不蔽風雨而弦誦之聲不絕也元卿少  
有逸才讀書有後先不欲速成詩文閑適以其為人客至清談終日人不  
敢以俗事浼之與同郡田德秀齊名號王田評者謂規製宏博王不及田  
而瀟灑無塵土氣田亦非王比也元卿嘗有詩寄子闕中云千里呂安息  
叔夜二年杜燕伴秋鴻賦梅花云漢宮月下三千額好在春風一抹痕哭  
吾兄敏之云蘭溪水流三月暮桂林風落一枝春古詩尤蕭散有自得之  
趣兵火中皆亡失之矣初用之聞此兵入塞即以吾州為不可守去之木



原五年不敢歸貞祐二年州破死者十餘萬人而用之亦以是日病歿於太原較其時皆三月三日巳時也人謂用之先見固可猶然生死定數亦自不能免云元卿父歿之後與其兄居于平晉之金城里明年兵復至兄被害元卿欲收葬之時游騎充斥親舊勸勿往元卿持不可曰兄死不收留此身欲何用耶流涕而去尋亦被禍時人甚哀惜之元卿長子一月死時年二十七矣

春宵

風尖月細春猶淺酒冷燈昏夜向深人在西軒愁不寐十年間事總經心

元氏桂軒為敏之賦

簾捲室前桂子涼一軒燈火夜初長月中着好元無價天上風來別有香棠棣一家同映秀詞林百世繼餘芳閑花野草空無數掩盡人間獨擅場

江村風雨圖

秋風撼撼澹林暉煙霧昏昏昏失翠微一段尊鱸江上興蓬窓岑寂夢魂飛

雷瑤

瑤字伯威坊州人以薦書從事史館調八作司使博學能文時輩少有及

中州七

二十

者并州人李汾與伯威同在史館以高蹇得罪伯威作詩送之頗譏翰林諸人不能少忍至與一書生相角逐使之狼狽而去有即君未足留商隱官長後教罵廣文之句又云明日春風一杯酒與君同酌信陵墳人甚稱之

信陵館酒間二首

關邊信陵飲有懷信陵君君去日已遠誰怜把闕人徑携一壺酒往酌公子墳墳利父已平墓木幾為薪泉所鎖長夜千載不復晨昔與賢俊游今為狐兔隣豪貴克安社念之心紛紛有生會歸盡但恐後無聞此意不可必且醉梁園春

維首有迂叟樹桐波高四般動為封植速欲撲風風相生日已長鳳來殊未史維鳳時德輝非時詐來翔枝幹枯以死志願終莫償憶在西周初飛下岐之陽裴回不能去和鳴聲鏘鏘文王既已沒千載德音士吐爾更何為而發發其光空令枯株上日晏啼鶯鷓

客有自關輔來言秦民之東徙者餘數十萬口持持負戴絡繹山谷間食無糗糒夕休無室廬飢寒暴露死無葬間有為秦聲寫去國之情者其始則歷亮而轉轉若有所斷焉少則幽



抑而淒厲若誦而怒焉及其放也嗚嗚焉惜惜焉極其情之所  
之又若非能任焉者噫秦予父母國也而客言如是聞之悲不  
可造乃爲作商歌十章倚其聲以紓予懷且俾後之歌者知秦  
風之所自焉

扶桑西距若華東盡在天王職貢中一自秦原有烽火年年選將戍河澶  
春明門前灞水濱年年此地送行頻今年送客不復返卷土東來避戰塵  
盡室東行日未歸臨行重自鎖門扉爲語畫梁雙燕子春來秋去傍誰飛  
灞水河邊楊柳春柔條折盡爲行人只愁落日悲笳裏吹斷東風不到秦  
纍纍老稚白相堆乃側耳西風聽馬嘶百死纔能到關下仰看猶似上天梯  
上得關來似得生關頭行客唱歌行虛巖遠壑互相應轉見離鄉去國情  
前歌未停後迭呼歌詞激烈聲嗚嗚天下可能無健者不挽天河洗八區  
折來灞水橋邊柳盡向商於道上栽明年三月花如雪會有好風吹汝迴  
行人十步九盤桓巖壑緊迴行路難忽到商顏最高處一時揮淚望長安  
西來遷客莫回首一望令人一斷魂正使長安近於日煙塵滿日北風昏  
陽夏懷古

中州七

二十一

短衣匹馬西北來十年去國隨風埃解鞍呼酒歌一曲玉鞭倒捉敲金壘  
君不見項王臺昔時崔嵬今已頽秋風蕭瑟吹草萊又不見漢王城昔時  
岌堯今已平寒煙寂寞啼蟋蟀牧童擡頭學楚聲野老扶犁城上耕耕勢  
不斷其聲哀行人欲去還徘徊劉項英雄安在哉人間俯仰易陳迹聞身  
健在須銜杯

龍德宮

紫簫吹斷絲雲歸十二樓空盡玉梯綵仗竟無金母降仙裾猶憶化人携  
千年洛苑銅駝怨萬里坤維杜宇啼莫倚危欄供極目斜陽更在露盤西

南國

古意四首

南國春生江水肥烏橋風扇錦帆歸吳兒日暮棹歌發驚起鴛鴦相背飛  
美人傷獨宿窈窕春閨深素手卷翠被當窗調玉琴危紗奏苦調清歌抗  
哀音絃絕歌復咽起作薄命吟妾如朱槿花含英秋晏陰郎如青銅鏡照  
面不照心不怨不照心但惜飛光沉且留連理枕莫捲合歡衾儻君回  
輝歡明尚可尋



對酒不能飲，拊劍自度曲。一唱行路難，歌與淚相續。朝為揚米泣，暮作阮籍哭。古道盡荆棘，新蹊苦蕒藜。曲行違吾心，直行傷我足。曲直無適從，昂頭羨鴻鵠。

綿綿菟絲草，濯濯檉樹枝。結根偶相值，引蔓纏綿之。春風一披拂，柯葉含榮滋。弱質附美蔭，百齡誓不違。清商忽用事，霜飈颯已凄。豈意百尺條，同此寸草萎。委蔓失所託，憔悴徒傷悲。知君無歲寒，何用相因依。

賢王悲墜屨，賢婦念遺簪。重在不志故，微物何所欽。嗟我昔游友，雲路揚微音。詎念宿昔好，棄擲各飛沉。昔如腰投漆，今如辰與參。批李雖成蹊，諒無松柏心。

王亳州實

實字德卿，亳社人。貞祐二年進士，由虹縣令入為尚書省令史。壬辰京城受圍，亳州為軍。父軍楊春所據，春以事出，德卿與故譙縣尉王進反正。朝廷擢進集慶軍節度使，德卿同知使事。明年夏六月，車駕幸蔡道，出于亳。德卿逆謁，上與詔慰勞者，久之詔行六部尚書事，仍賜世爵。後數日，部田崔七輩以軍食不給，送款執德卿與副使呂鈞往市中，鈞且行且拜泣，涕不休。德卿教之無所屈，大呼曰：「但殺但殺，不能從汝也。」是日遇害。德卿學詩甚力，故所得亦多。如風生傳令箭，蓬落受降城。烟外暮鐘催倦馬，林間殘照聚歸鴉。倉小軍爭米，村荒虎食牛。又贈剛上人云：楞嚴讀罷爐煙冷，看坐山堂閱世人。言懷云：功名不到書生手，坐撫吳鈞惜壯圖。題馬丘寺壁云：落葉擁窗僧入靜，孤燈穿屋客吟秋。人甚稱之。

中州七

二十二

甚力故所得亦多，如風生傳令箭，蓬落受降城。烟外暮鐘催倦馬，林間殘照聚歸鴉。倉小軍爭米，村荒虎食牛。又贈剛上人云：楞嚴讀罷爐煙冷，看坐山堂閱世人。言懷云：功名不到書生手，坐撫吳鈞惜壯圖。題馬丘寺壁云：落葉擁窗僧入靜，孤燈穿屋客吟秋。人甚稱之。

衛真道中

羸袍落托又西征，陌上東風小雪晴。草色換回原燎黑，冰漸消入水痕清。年華荏苒心情減，邊事倉皇夢寐驚。早晚過南傳吉語，一犁煙雨趁春耕。

舟中

河伯夸秋漲，舟人健晚涼。櫓聲搖落月，山氣鬱蒼蒼。

除夜

落托功名挽不前，圍爐兀坐夜蕭然。臘殘畫角東風裏，春到梅花小雪邊。守得歲來慵攬鏡，送將窮去自裝船。平明點檢人間事，只有詩魔似去年。

李夷

夷字三，遷後改名德，宛丘人。苦於作詩賦，古鏡云：盤盤古皇州，夢斷繁華歇。一鞭春事忙耕出，壠頭月土蝕。背花香歸路，岑寂龍蹕須驂怒。欲張縮手。



不敢捫又云壽光閩人多曾有此客否欽叔諸人甚愛之

贈國醫張子和

禁藥喧喧以字行粗工往往笑狂生天將借手酬金匱雲本無心到玉京  
歌嘯動成千日醉留連翻厭五侯鯖祝君莫觸曹瞞怒世上青黏要指名

古劍

古柵崖摧老雨天忽驚神物並蒲然蛇吞元氣蟄十載龍逐奔霆脫九泉  
逆首未歸豪敵裏缺歌聊發慨彈邊物猶屢出為時用撫匣潯然惜壯年

書淵明傳後

南渡龍孫角禿頭不甘橫斃奇奴弦一襟義氣麾周粟蒲簡清風削宋年  
雪徑似迴松落落霜籬徤羨菊鮮鮮時屯謚輩輕頽節頽厚言家草木賢

郭邦彥

邦彥字平叔本鄆縣人僑寓陽翟遂占籍焉與定五年進士調永城簿以  
退讓見稱生世不幸與于頑巖傲三者之間鬱鬱不自聊年未四十而死  
寄庵先生愛其詩甚嗟惜之

秋夜聞彈篋篋

合州七

二十三

露重花香飄不遠風微梧葉落無聲借樓何處教新曲夜靜月高弦索鳴

村行三首

聚花初落路塵香燕掠麻池乍頽頽一片雲陰遮十頃賣瓜棚下午風涼  
芹葉蘆花岸兩邊釣溪石畔落孤鷺小畦引入平流水麻桿森森已拍肩  
豆葉芄芄麻葉光植禾得雨又催黃田家樂事誰真得牧子行歌醉叟狂

酒醒

少年驕氣總消磨萬事紛紛夢裏過三載自持葷食戒一心還被性宗魔  
凌煙閣上榮名好聚窟洲邊樂事多今日酒酣都忘却亂吟俳語作狂歌

讀毛詩

含氣有喜怒哀觸物無不鳴天機泄鳥迹文字從此生誰言土苴器聲合天  
地清撲壞犧氏瑟巧露媧皇笙末流不可障聲律隨合并編讀蕭氏選不  
見真性情怨刺雜譏罵名曰離騷經頌美獻諛諛是謂之采銘詩道初不  
然自是時代更秦火燒不死此物如有靈至今三百篇殷殷金石聲漢儒  
各名家辯口劇分爭康成獨塵戈諸儒約連衡祭酒最後出千古老成精  
我欲讀爾雅不辨整蟹名尚憐沈謝輩蒲篋月露形孔徒九幾人入室無



長卿三子論性命舉世爲譏評白首草太玄才得復舊壘不如匡鼎說愈  
笑人俞聽

史學

學字學優延安人兄才字才長任太學有聲學優正大中省試第一人釋  
褐舞陽簿辟盧氏令卒官妻李氏國初河南尹成之孫女小詩殊有思致  
學優嘗客京師有所眷久而不歸李作詩寄之云百年風樹底誰淚到君  
前學優得詩即日命駕

陪陳彥丈謁筠泉榮上人

才長

強隨禪客到西禪竹柏團青蔭石泉一首小詩吟不就閑情元在落花邊

宮詞

學優

寶帶香襟水府仙黃旂綠扇九龍船薰風十里瑤華島一派歌聲唱採蓮  
默翁溪山橫幅

默翁溪山橫幅

五雲籠鳳下遼天來作金鸞翰墨仙詩酒償殘鶯館債簡書薰破鹿門禪  
自怜歲月塵中老盡獲溪山筆底傳短草疎林秋一幅典刑人物記當年

李道人崧陽歸隱圖

六中州二

八二十四

石壁城頭夜斬關軟紅塵底曉催班道人一笑那知許門外清溪屋上山

晚梅

孤根春半恰春回剛逐天桃艷杏開蝶子蜂兒應有語東風元不爲渠來

七夕

箱牛迴馭錦機閑天上悲懽亦夢間月夜並有人不見蕭蕭風葉滿驪山

醉後

觀魚暫覺心差樂化蝶元來夢亦忙得似醉中都放下春風自與百花香

過太室

三輔祥開表聖期三呼大壽與天齊殿柄碧瓦仍唐制洞鑿蒼苔古失漢題  
柱玉已聞安廟初勅錄重爲前辨黎外中剩有辭臣賦滿望鸞旂鳳蓋西

玉書車劍二峯名

侯冊

冊字君澤以門資仕與杜仲梁張仲經劉京叔游用是得名嘗作樂府云  
玉指春草傷心碧錦瑟華年過眼空又云千金買斷青樓月懶醉桃花前  
歲風人多愛之壬辰歲病京師園中作詞云迴首鳳凰城下路人不見月



茫茫明日君澤死其後京城亦丘墟矣

寒食

春將零落葉鮮柯歲月崢嶸馬注坡燕子不來寒食過滿城風雨落紅多

醉中

爛醉歸來驢失脚破靴指天冠倒卓起來白眼望青天狂氣崢嶸無處着  
陶潛止酒意有在鋪糟醲醲良未害君看謝奕對桓温得失老兵何足怪  
螟蛉蜾蠃待二豪飲中寧有山家濟平明徑訪陳驚坐相對春風把蟹螯

學古體

桐風吹月烏啼井蟾波濕露<sub>三</sub>雲影素絲牽玉轉泉華美人睡覺燕支冷  
銀鈎掛簾北窓曉翠驪臨鏡雙鸞小黃衫少年望不來寂寂庭堦滿春草

昨朝

昨朝已作春歸辭今日還成送客詩客子春光俱不見落花寂寂閉門時

楚宮

離宮樓閣與天通暮雨朝雲入夢中回首舊時歌舞地女蘿山鬼泣秋風

王元粹

山口州七

二十五

元粹字子正初名元亮後止名粹平州人系出遼世衣冠家年十八九作  
評便有高起性習學固世事不以累其業故時輩無能當之者正大末用  
門資叙為南陽酒官遭亂流寓襄陽襄陽破隻身北歸寄食燕中遂為黃  
冠師有十月風霜侵病骨數家針線補殘衣之句親舊有怜其孤苦欲為  
之更娶者子正業已高舉主太極道院竟不能自返年四十餘癸卯九月  
病卒詩人淄川楊叔能挽之云匹婦主中饋雖貧生理存五言造平淡隻  
影臥黃昏謾下陳蕃榻虛沾文舉尊北平家世絕銜恨入荒原從弟鬱亦  
攻詩方之其兄蓋商周矣

春日時年十八

春日何慘慘春雲何陰陰桃李都未花况乃餘寒侵久在都市居而無人  
見尋讀易了一編靜見天地心負士寡徒侶古來非獨今

臨高

客子臨高秋思生碧山無際暮雲橫但看八月草木落未見中原塵壘清  
流景暗徂人易老故園何在夢頻驚樽中有物同誰盡正要相看醉膽傾

藥縣贈李長源



相見各異縣歲暮風霜清三日同眠食深見故人情借問何所歷大梁與  
秦京悠悠川途永冉冉歲月傾子當東北馳予亦西南征人事相羈束何  
時當合併聊斟昆陽酒爲澆曾次平出處固難必勉哉崇令名

送李文起令郟城

好去郟城宰當途有薦章長才試縣邑嘉政寄循良遠路連秋草征衫帶  
夕陽濟時公等在吾欲泛滄浪

九日

憑高一望客心傷風景蕭條是楚鄉飛鴈欲歸何處去幽花還似昔年芳  
詩因感物聊成詠酒爲隨人強舉觴十載蹉跎身事晚每逢佳節轉淒涼

壽李長源

匹馬短衣看此行看君誰信是書生聽詩未覺秦川遠何劍常懷晉水清  
一飯見哀韓信取千金爲壽魯連輕壯年休洒新亭泪且爲江山濯巨觥

旅次

旅次渾無定生涯亦漫勞病來方士藥寒憶故人袍避俗准黃卷志憂但  
濁醪柴門多落葉昨夜朔風高

中州七

二二六

西山避亂三首

蒼山多回互四望令人迷過午日已煖殘雪融爲泥路滑不可進弱葛絨  
攀躋老幼委溝壑不如犬與雞嗷嗷同行子手中各有携乃汲澗爲飲食架  
木爲簾栖夜半三四驚翁媪禁兒啼念我長病母亂離隔東西

野宿不得曉飛霜沾敝袍空山凝寒色天邊星月高憶昨離郟城故家向  
遁逃穿林恐相失前後聞呼號避亂但欲遠焉知登頓勞俯臨萬仞壑性命  
輕鴻毛

青青道邊麥知是誰家田山田固已薄榛石復相連旁有破茅屋日入不  
見煙借問舊居者聞亂已西遷平生苦淪薄對此增慨然甲兵暗宇宙誰  
能安一屨愁憂無從訴仰面視蒼天伐木南澗底雙鹿過我前

還郟城舊居 四月六日作

朔風兵塵遠病客返舊居入門顧西壁書籍亦無餘數口共嗷嗷日事將  
何如屋破未暇葺草蒲須當鋤昔去李冬末今來孟夏初深媿資用絕時  
時煩里閭

經廢宅



誰家住宅北山隈，亂後通人尚未回。峒嶂門前是官道，臨風一樹杏花開。

登鄂城寺樓

亂後行藏豈自由，此身雖在病兼憂。一杯徒積黃泉恨，四壁難爲白日謀。數極乾坤見中元，跡隨溝壑恐長休。可憐海內干戈滿，獨對江山倚寺樓。

八月二十三日夜走西山

婦病不能進兒啼，不肯行著荒野外。北風敲聲聲老幼，夜中逃失路入榛荆。月出天欲暝，山頭烽火明。鄧卒一戰潰敵勢，遂縱橫。昨朝使帖下，主將亦還營。嗷嗷二十載，何時見昇平。我生值世亂，世亂難爲生。

哭李長源

十月西來始哭君，山中何處有孤墳。以才見殺人皆惜，忤物能全我未聞。李白歌詩堪應詔，陳琳書檄偶從軍。窮途無地酬知己，會待升平組舊文。

襄陽七絕句

江雨初晴江漲發，涼風吹水波浪開。日暮津頭聞打鼓，越商巴賈卸船來。街頭魚米近頗貴，縮項長腰最可珍。江東尊鱸亦何好，能令張翰稱達人。山值喪亂棄中原，南來亦復著南冠。吾家舊井岷山畔，野老謾作此人看。

口占一

二

襄陽城府自古雄，土薨萬瓦當晴空。短衣少年何處客，相邀一醉樓中。城東六堤堤上頭，何處女郎同出游。紫蓋留連不歸去，唱歌日暮傍汀洲。江上小兒誇善沒，一日入水知幾回。汝曹未有機心在，綠底鷗鳥不飛來。歎息老蒼舊不復，見欲問土風。誰爲陳羊公遺碑，武侯廟江邊酒家說向人。

武侯廟

武侯祠廟南山曲，苔滿荒碑不堪讀。客子登臨又一時，秋色蒼蒼蒼入喬木。天下不可無奇材，千年精爽安在哉。孤吟裴回不忍去，寒日欲下悲風來。

萬里

萬里江山動楚吟，異鄉風物長年心。孤身轉覽乾坤窄，往事空驚歲月深。木落高城初過鴈，霜飛幽館夜聞砧。蹉跎未就東遊計，醉後悲歌淚滿襟。

醉後

雲自無依鶴自孤，此生誰信有窮途。干戈二十年來客，留得殘骸傍酒爐。

丹陽東樓

仙人樓居避蒸濕，東樓縹緲群仙集。風吹高栢影在衣，忽驚蒲坐蛟龍入。日晚留連共一觴，歸來如夢海生桑。片雲送雨山頭黑，傍水孤飛燕子忙。



東樓雨中

水邊人去燕爭泥風動綠荷香滿溪高樹遮樓遮望眼獨看山色過牆西  
倚樓人看水東流橋上行人却望樓零落故宮無覓處蕭蕭禾黍滿城秋  
多年蒼柏拂簷枝燕子飛來語向誰枕簟不防留客住蒲簾風雨下簾時  
雨入溪樓不見山雨晴依舊數峯閑章即詩句王維畫好在幽人指巖閣  
庭中野蔓走青蛇窗外蒼苔亂彩霞雲漏斜陽雷漸遠東邊飛雨到瓊華  
好風吹袖覺涼生雨後東溪水面平無點荷蓮看正好却嫌波底亂蛙鳴  
溝水清冷樹蒼圓下樓閑步上樓眠夜來夢裏驚風雨元是松聲到枕邊

王鬱

鬱字飛伯少日作樂府擬古別離有黃鶴樓高雲不飛鸚鵡洲寒星已曙  
之句人多傳之其後入京師大為李欽叔所稱與之詩云詩句媿國風下  
者猶楚辭贈詩者甚多有云憶昔穎亭見飛伯恍若夢中逢李白又云紫  
脛仙人分洲雲騎風御氣七尺身又云良金元有價白璧况無瑕又云下  
郎少年詩境新氣象快活今古春筆頭仙語復鬼語只有温李無他人飛  
伯用是頗自貴重云

中州七

二一八

春日行

春日飛春野寂紅明碧交元胎濕東風着意寒食時遊絲粘人困無力小  
鈴犢車讌堤沙鳳簫驚落瓊英花荒墳頽頽啼夕鴉草荒月黑鬼思家

寄遠吟

一封征人書秋帆蕭湘岸當君高樓醉憶妾空闌嘆

陽關曲

城東車馬已促裝城西江水青茫茫綠楊陌上一盃酒離愁慘淡春無光  
秦樓花映晴煙直誰家少婦當門立金鞭入手紫燕嘶回首飛雲曉山碧

傷別曲

蘭皋飛暗塵征車紆去轍長安雖咫尺回首繁華歇故人亭下酒城眉眼  
中血平生慷慨腸忽作柔絲結傳聞紫塞旁秋烽下危堞班超未投筆來  
瑣空罨鐵誰能金閨中坐眷娟娟月

長安少年行

新月平康金步蓮青雲戚里玉連錢誰家年少秋風裏梁甫吟成抱劍眠  
楚妃怨



涼風遶樹秋長河絡天碧深宮悄無人月暗莎雞泣

古別離

山腰露蕙含天淚江林楓葉秋容醉夫君八月鴈門行碎霜冷印白龍鱗  
憶君挑妾初鳴琴琴中已有白頭吟朝朝暮暮當時事言之祇足傷人心  
君不見湘妃二女哭舜時煙筠青玉紅珠滋蒼梧人去百想絕忍交今日  
生離別生離別情偏重不及雙飛南浦雲落紅寂寂春闈夢

秋夜長

秋風嫋嫋吹庭樹傷心一葉隨風去葉隨風去何所之似我年年困羈旅  
神繆紆屈泥中蟠青雲未到誰汝伶愁來不寐起視夜斗柄斜指西南天

折楊柳

長安二月多綠楊遠信未到龍庭旁佳人中夜抱影坐風窸泠泠愁思長  
青天無雲一鏡絮萬戶千門音響絕何人橫笛在高樓玉龍叫徹春江月

遊子吟

短日空裴回流雲自來去茫茫野客衣單白露無聲落秋樹

楊翟贈李司戶國瑞

古州七

二十九

洛陽賞盡牡丹春寂寞釣臺對夕曛手折幽蘭贈行子多情惟有李參軍

飲密國公諸子家

宣平坊裏榆林巷便是臨淄公子家寂寞畫堂豪貴少時容詞客醉琵琶

中州庚集卷終



